

瘡
疔
指
南

自序

余賦性孱弱、幼嬰多病、丁丑年尤甚、嘗思內傷諸藥罔效、於是悉
取內經、難經、甲乙經、東垣十書、傷寒六書、及論及薛氏等書、至於
殊國僻壤、奇方怪隱、皆沿波溯源、推詳考索、循古人之餘而爲之、
不知其已謬已、人情莫不欲言其所自、知交親承是謬、推稱多奏
效、妄意遂謂凡病不出傷寒內傷之範圍也、壬寅秋天時熱甚入
冬仍不寒、四方疫癘大作、其證似癰、而寒熱不閉斷、似傷寒、而三
陽經少陰太陰經證悉、似內傷、而氣口脈不大於人迎、向所妄意
以自信者、胥失之矣、彼以傷寒治者、七日逝、以內傷治以癰治者、
先後亦逝、間有染輕本固者、稍淹浹旬、終歸不起、至一發不能言
者、其死尤速、惟輕而不照藥者、百起一二、卽老醫宿匠、計與術兩

窮矣。然天地之大德曰生，塞極必有以通之者。有朱李待制之書在也。書名瘴癘衛生方，專是一證。始以風壤濶越一涉，輒而證之。而後乃知其書也。論證則辨晰周詳，用藥則簡易平順。此真妙於治也。且諸書瘴部亦嘗及瘴癘矣。本末未甚悉，豈身而履其地，傳不獲習乎？待製造端，王張計閭，皆因宣彼地得其真詮，是書賴以全乎。始以一二及十百，因沿鄉曲，面流頭遠，隨手應心，刻期色起矣。予秘之，是以人命爲私也。告之同業，懼不能徧，謀梓以廣之。區區之公而已。客有告之者曰：夫瘴何有於瘴哉？閭廣之間，山深雨淫，瘴風爲瘴，黃霧隱天。中人作苦，吾信界在中土，土不同方，風亦殊俗，曠絕千里，風瘴何從？毋乃巧於署名以炫技乎？予曰：否否。諸疾之作，由天時也。四時之變，由氣數也。人身肖天地，與氣順逆也。

易曰、觀乎天文、以察時變、其徵在國、國實以人、天氣流轉、山澤通之、以時驗變、以人驗時、臭氣不藏、時之變也、物直槎天、人直疾病、山川不必同、而氣至則行之矣、故吾信不必問廣、而氣類之、此瘴癘之所由作也、且如癸卯之冬、四山花木、盎然如春、甲辰夏仲、菊華如秋、六月反擁絮、春秋陷霜不殺、註謂四時失其序、則其施必悖、月令仲夏行秋令、民殃於疫、在昔識之、蓋天失其序、整氣旁行、於是乎在、邇年以來、冬復大暖、草木禽虫、不含不蟄、殆物得氣之先、與韓昌黎雪擁藍關句、李唐嶺南尚雪、今絕無之、馴至洛陽杜鵑、天氣自南而北、不尤信乎、客因領之、予又謂瘴癘於文爲癘、章言疾彰於外、內無實也、爲瘴如虎反爪向人也、以瘴施無實之人、故多瀕於死、李待制之調劑、思深哉、不揣愚陋、次其源委、附以鄙

見別傷寒內傷諸痛之形似詳藥餌之宜用宜禁驗病色之可治
弗治編曰瘡瘡指南車僭妄之罪固無所逃然於活人或有小補
庸有未盡以俟後之君子

萬歷三十七年歲次己酉十月朔信州鄭全望撰

是書臨症諸詳多付微嫌尤覺斟酌信望
讀後解付以旁刪等語又云此書論
刻之書乃南宮醫家所不有

瘡癰指南目錄

卷上

辨證

瘡癰形狀

人身肖天地瘡癰類天時

受病之源

瘡癰傷寒辨

瘡病內傷辨

諸瘡瘡癰辨

傷寒瘡癰分南北辨

瘡癰五臟俱病

冷瘡

熱瘡

瘰癧

不治證

脉

日期

婦人

小兒

發瘡時調理却病法

瘡病中將息法

瘡病後將息法

灸法

瘡後變證

痢

腫脹

痰

辨藥

升藥

降藥

平胃

麻黃

柴胡

檳榔

附子

常山

黃芪白朮肉桂

酒

卷下

正氣方

陳皮半夏湯

不換金正氣散

藿香正氣散

大無神木散

二陳湯

人參養胃湯

和解方

和解散

溫中方

附子理中湯

治中湯

真武湯

嘉禾散

平胃散

紅丸子

感應丸

溫中固下方

薑附湯

十五

乾薑附子

十六

沉附湯

十七

冷湯

十八

既濟湯

十九

冷香湯

二十

三建湯

二十一

鎮下方

養正丹

二十二

黑錫丹

二十三

來復丹

二十四

靈砂丹

二十五

斷瘴方

七棗湯

二十六

四獸飲

二十七

截瘴丸

二十八

七寶飲

二十九

治瘧瘴方

麥門冬湯 三十一

黑神散 三十一

青州白丸子 三十二

星附湯 三十二

三生飲 三十三

正舌散 三十三

附諸方

柴胡散 三十四

草果飲 三十四

奪命散 三十五

五苓散 三十五

烏沉散 三十六

加減五積散 三十六

黃芪建中湯 三十七

異功散 三十七

六君子湯 三十八

大養脾丸 三十八

溫疝湯 三十九

如聖餅子 三十九

六和湯

參蘓飲

柴平湯

樂合黃芪湯

星香湯

附香飲

蘓感丸

蘓合丸

蘓子降氣湯

秘傳降氣湯

沉香降氣湯

四物湯

四七湯

木香檳榔丸

香薷飲

香連丸

變亂丸

斷下湯

真人養臟湯

保和丸

四神丸

七味白米散

補中益氣湯 七一

四柱散 七一

參苓白朮散 七二

震靈丹 七三

敗毒散 七四

進食丹 七五

補脾丹 七六

五皮飲 七七

實脾散 七八

五苓五皮散 七九

胃苓湯 八〇

木香流氣飲 八一

金匱腎氣丸 八二

導痰湯 八三

通關散 八四

蜜導法 八五

甲子年全辟瘟陽岐家之病瘴瘧既而余之病
乙丑丙寅余再建焉時皆以執陳德垂先生
醫治不知其方也此先生以星編授乙丑黃樵

微同耳從星際歸醫以誤治今告以症瘕瘕曰福
州城內有此症也淫流年事不既應禮却試以五妹
五弟四姑婿表弟病極片治之不得日皆愈惟
黃瑞卿茂才初起失治然上不過三月餘功知
瘕瘕年壞病難治之不得其法耳

永福口鈞名

瘴瘧指南卷上

連江陳曾治

信州鄭全望靈渚先生原著

同人孫 謹

曾孫泰 糾屬重刊

辨證

瘴瘧形狀


或問曰發熱頭痛人俱稱為傷寒一以傷寒藥治之可乎予曰
富有所辨諸狀發熱種種不一而最毒者在內傷有瘴瘧或曰
內傷有更理內外傷論辨別詳晰甚為有理若醫瘴瘧則
不能無疑矣將以予為妄吾見子治斯病活人甚多但未聞
書未聆是語當明以告我予曰傷寒內傷所病處廣況立法者

乃仲景東垣二人聖醫也各重家學而擴充是法者陶節庵薛
立齋二君故其書傳之廣而心於活人者未有不讀也若安瘴
瘧惟灸方有之○
書所傳不廣○
鮮惜李待制治瘧之○
書○
其病有三而形狀不外於頭痛發熱腰
重脚軟或冷或嘔或泄或大便秘或小便赤面赤目紅口渴心
煩胸中大熱舌或黑狂言譫語欲飲水欲坐水中或吐血或衄
血或腹痛或有汗或無汗諸證以有寒有熱者為寒瘧或間日
或不間日為易治以單熱不寒者為熱瘧為難治得間日猶可
以不言語惟噫噫作聲者為瘧瘧為不治瘧瘧之形狀大都如
是矣

人身肖天地疇類天時

天○氣○覆○地○之○氣○載○人○居○覆○載○中○其○與○覆○
我○我○我○我○我○我○古○聖○等○天○地○人○為○三○才○其○無○心○意○而○有○
○益○調○天○以○輕○清○之○氣○上○浮○而○下○轉○地○居○其○中○而○乾○健○之○
運○無○一○毫○少○息○若○一○毫○不○續○則○穹○壤○判○一○息○不○運○則○機○緘○窮○人○
身○肖○之○其○氣○亦○無○息○天○以○日○月○循○環○人○以○榮○衛○循○環○地○有○九○州○
人○有○九○竅○經○曰○天○氣○通○於○肺○地○氣○通○於○噤○風○氣○通○於○肝○雷○氣○通○
於○心○穀○氣○通○於○脾○雨○氣○通○於○腎○六○經○為○川○腸○胃○為○海○九○竅○為○水○
注○之○氣○陽○之○汗○以○雨○名○陽○之○氣○以○風○名○人○之○一○身○身○上○其○氣○
象○天○身○下○其○氣○象○地○故○天○不○足○西○北○而○人○之○耳○目○右○不○如○左○
之○聰○明○也○故○西○北○之○人○頭○常○冷○地○不○滿○東○南○而○人○之○手○足○左○不○

如右之利便也。故東南之人腰足常冷，天有陰陽以生風暑濕燥寒。地有陰陽以生木火土金水。人有陰陽以生肝心脾肺腎。天氣以四時溫熱涼寒，運於上；地氣以生長收藏，應於下。而人之陽氣以升浮降沉，應之。爲生生不息之妙，何也？天令春，其氣溫；○天令夏，其氣熱；○天令秋，其氣涼；○天令冬，其氣寒。○故地中之陽氣鼓動而升於外，以生萬物；人之陽氣亦應之以升。天令夏，其氣熱；○故地中之陽氣盡出於外，以長萬物；所以地之下極寒。人之陽氣亦應之，盡出於外。脾，坤土也。象地，斯時脾土亦寒。天令秋，其氣涼；○故地中之陽氣能降於地，而行收成之令。人之陽氣亦應之，而降於內。天令冬，其氣寒；○故地中之陽氣盡沉於地，而成閉藏之令。所以地之下煖，人之陽氣亦應之，沉藏於內。斯時脾土亦煖。此天地得其

常而人之灾害亦不生發瘴之地則不然春夏多寒秋冬多熱
盛夏久雨則可挾纊隆冬久晴寧不搖扇一日之間日未升則
寒日中則熱日入又寒一日一夜寒暑迭變無論四時久晴則
熱蒸蒸極則雨雨下則濕蒸雨久則淒涼人生其間飲食起居
謹慎稍失調養便感此乖戾之氣而發寒熱卽謂之
瘴然瘴之發多在秋冬以其天氣熱地中之陽氣不能收藏而
外泄故草木不花而花不葉而葉人之陽氣亦應之不能收固
而恒泄之於外惟其外泄脾土所以因虛寒身以上象天則
極熱身以下象地則不熱而寒或熱蒸極而汗汗出則淒涼其
人身之寒熱濕蒸一與天時相似故曰人身肖天地瘴瘧類天
時知斯道者則治瘴之法過半矣

受病之源

南方○也寒暑不時春夏淫雨則多寒晨夕霧昏地下濕蒸故陰濕之氣常盛秋冬久晴則多熱草木不凋而放花故陽燠之氣恒泄晝燠夜寒晴霽熱陰雨寒人居其中因寒濕之氣盛故下體重濕生痰又多痰因秋冬熱故熱多上壅膚多出汗致腠理不密陽外而陰內陽浮而陰閉○斯時○也○飲食失節○起居不時及食生冷食炙煇則痰與食相併積於胃而寒熱之病作矣或不避暑奔走於日中或避暑而坐卧當風閉其汗孔使汗不出此病亦因之而作或因其晨多霧而寒飲酒以禦之少焉日出而熱則酒與痰相併滯於膈上此病亦因之而作或晨寒而少衣或夜冷而薄衾則寒與痰相併亦作寒熱或因晨寒多

衣行至日中未解則暑與痰相併亦作寒熱要之此病之本
於天氣熱元陽恒泄在人之陽氣自不降而內又多痰再不能
調攝感於不正之氣宜其病有上熱下寒之證所謂無痰不成
瘧者是也養生者能遠房室省勞役毋食生冷毋食炙煨毋醉
早酒毋飽晚飯毋乘暑行走毋當風坐卧一日之中順其寒暑
而加減衣裳則瘧雖毒亦可免矣

瘧瘧傷寒辨

外傷寒邪之證與瘧瘧俱有寒熱證以瘧瘧作傷寒用
汗吐下之法治之自枉死者不可勝計由其不辨寒熱證候耳
今細分之經曰冬傷於寒春必病瘧冬若即病謂之傷寒不即
病至春變爲瘧病至夏變爲熱病其病也多自太陽經始故發

熱惡寒、頭痛、腰脊強、無汗、口中和而不惡食、脉浮緊、爲傷寒、或惡風、自汗而脉浮緩、爲傷風、其熱無退時、若傳經或傳陽明經、則有目痛、鼻乾、不得眠、脉長之證、或傳少陽經、則有耳聾、脇痛、口苦、嘔吐、舌白、胎脉弦之證、若傳陽明腑、病爲入裏、舌胎黃、口渴、心煩、舌乾、不惡寒、反惡熱、揚擲、手足揭去衣被、狂言譫語、脉洪、數、內實之證、宜用下劑、下遲則入陰經、方舌黑、大凡傷寒之熱、全不間斷、直至傳入裏、下後方罷、經曰、夏傷於暑、秋必痾瘧、夏暑汗不出、秋成風瘧、是知瘧之發、多因於暑、故發瘧之地、四時常似夏、其病也、無傳經、若是冷瘧、則有惡寒、發熱、頭痛、腳弱、腰重、口中不和、嘔吐、或不嘔吐、脉弦、帶數、一呼一吸、脉來六至、或七至八至、或先寒後熱、或先熱後寒、方其寒也、脉則沉遲而

伏及其熱也、脈則六至七至而弦洪、渴欲飲水、飲則多吐、揭去衣被、待其汗出、熱則退矣、或無汗而熱久亦退、或間日再發、或一日一發、此爲輕證、若是熱瘴、則不惡寒、惟發熱、壯熱、頭痛、身倦、腰重、腳弱、煩燥、胸膈不利、嘔逆或不嘔逆、自利或不自利、小便赤澀、口渴、脈洪弦、七至八至、熱亦不間斷、一日一二日、舌便黑、目紅面赤、渴欲飲冷、與之水亦能飲、狂言譫語、或大便閉、至日晡尤甚、與傷寒下證無異、細察一身中之熱、有不熱處、以手捫之、額上極熱、面微熱、鼻尖涼、心胸及腹極熱、背微熱、腰以下不甚熱、重者常冷、或厥、且譫語、以手捫心胸、踰臥狂起、則腳重無力、何也、瘴病是上熱下寒、故腰以下不熱而沉重、上身之證雖陽而陰證隱、且於其中、鼻尖爲年壽宮、年壽屬脾、脾寒所以鼻

光涼此病是外熱內寒熱證雖見於外而內寒之證勝於鼻涼
踞臥又手胃胸隱然見矣或謂是傷寒陰證似陽亦非是若陰
證似陽渴欲飲冷與之冷則不飲瘧病與之則能飲君用藥得
宜則熱退或得間日熱退時則脉微弱非復前之洪弦數矣大
抵瘧與傷寒大不相同傷寒因於寒瘧病因於暑傷寒有傳經
有變證有傳染而瘧病不傳經無變證不傳染若醫者誤認惡
寒發熱爲表證用傷寒汗藥以狂言譫語大便秘舌黑爲裏證
用傷寒下藥則不旋踵而告殞矣

瘧瘧內傷辨

內傷飲食勞役過度之病其發熱惡寒與瘧瘧相似若以瘧瘧
而用內傷勞役之藥治之則神識昏亂譫語如狂其執愈劇服

多亦至不起由不細察其證候耳今細辨之內傷勞役之病其惡寒也見風見寒居陰處無日陽處則惡之若避風寒居溫煖處或添衣被則不惡也或雖發寒一煖便已其發熱也蒸蒸然上徹頭頂傍徹皮毛下至腰足渾身燥熱若袒衣被近寒涼處則已或熱極而汗出亦解若涼片時卽惡寒添衣被則不惡寒又發熱直至甘溫之劑進多則病已其他頭痛身重手心熱口渴心煩舌黑妄語妄有見聞大便秘或滯小便赤澀或嘔口不知味其脈氣口洪大或兼各臟形證內傷之病如此瘴癘之作其寒也先起於毫毛伸欠乃作寒慄鼓領腰脊俱痛雖重衣厚被滾湯熱火不能溫寒去則內外皆熱渴欲飲冷雖袒去衣被重冰泉水不能寒或先寒後熱或先熱後寒或一日一發或間

日一發或一日二三發此是冷瘧其脈洪致數冷瘧與內傷其
寒熱不同又如此惟熱瘧熱未間斷時又當細辨之內傷之熱
渾身上下皆熱熱瘧之熱惟額極熱胸腹極熱腰以下則不熱
足發厥○易辨○亦有足熱者雖熱亦不甚內傷之熱袒去衣
被即解片時熱瘧之熱即臥於冷地亦不解內傷之脈氣口獨
洪大而六至熱瘧之脈六脈俱弦洪而七八至或陽證而見陰
脈要之兼證雖多惟以寒熱及脈潛心分別則瘧瘧內傷若冰
炭矣苟誤認瘧瘧為內傷而用補中益氣湯則熱愈劇而神愈
昏蓋瘧因陽氣不降而然升麻柴胡乃輕清升藥使不降之陽
氣愈飛越矣瘧乃○夏○天○氣鬱蒸得雨方解瘧之熱悶欲俟
下元溫固自然出汗方舒黃芪白水歛腠理藥也使腠理閉塞

汗不得出、愈加熱悶、神昏矣。若是內傷、此藥一進、病勢卽漸減。縱不減、亦不加、病之疑難如此。醫者不明望聞問切之理、不分別其內傷、殫瘡傷寒而妄爲施治者、屠創之流也。

諸瘧瘴瘧辨

或曰傷寒內傷瘴瘧之不同、已知之矣。敢問瘴與瘧何以辨之。
○曰有三陽經瘧、三陰經瘧、五臟瘧。又有以寒多熱少者及單寒者名寒瘧、寒熱相半者名溫瘧、單熱不寒者名瘴瘧。胸膈痰痞、心下脹滿、氣逆煩嘔爲痰瘧。噫氣吞酸、胸腹脹吐酸惡酸惡食爲食瘧。惡風自汗、筋骨痛抽搐爲風瘧。面垢日渴、心煩多汗爲暑瘧。二日一發、久而不愈爲瘵瘧。表裏俱虛、客邪未散、直氣不復、間一日連二日發、或或雖間、遇勞卽發、久而不瘥爲勞瘧。

進退無時、進則神昏、退則如常、爲鬼瘧、久而不瘳、膈下結塊、爲瘧母、發於陽者爲牡瘧、發於陰者爲牝瘧、雖種種不同、其大畧不外於一日一發、或二日一發、三日一發、有間一日連二日發、有一日兩發、有日與夜各發、有上半日發、有下半日發、有有汗、有無汗、此一定之規、若瘧瘧只是三證、以有寒者爲寒瘧、單熱者爲熱瘧、不語者爲啞瘧、其始發也多不間斷、重者七日方間斷、其間斷也一日十二時、只間一二時、卽發、亦有間斷半日者、退安時退起動則又發、終屬難退、卽退去胸腹之熱尙在、或間一日一發者、其發時去死一間、其退去之時、渾身上下筋骨若無其難過也、不可以言語形容、非若諸瘧退去之時、卽如平人、又或先輕後重、或先重後輕、或先間斷而後反不

間斷或先不間斷而後間斷變怪不常非若諸瘧作息自有定期○~~此辨瘧~~其治諸瘧用藥錯者尙可救瘧瘧瘧用藥一錯禍如反掌瘧最忌者汗吐下及小柴胡湯柴苓湯解肌湯~~何也~~蓋瘧因陽氣外泄而然發汗之藥多驅內陽外泄是重泄其內所以多死瘧因陽氣不降於下焦吐則陽氣愈上升下元無陽氣是無根也故死瘧疾是下直寒而上假熱下藥太寒一下咽則中寒大作陽氣隨之卽脫所以死極速瘧病外雖熱而內實寒故人謂瘧疾爲脾寒正謂瘧也故小柴胡柴苓解肌之類其性俱大寒服之則外熱不降而內寒更甚故至外熱微時裏外俱無陽氣所以難救欲治斯病~~自首至尾~~○~~藥只~~遵大法溫中鎮下正氣相解且攻且守主病者

無責速效。病者能慎疾則治自愈。萬不失一矣。若夫痼癰當歸之天命。千百中可救一二。非人力之所能爲也。

傷寒癰癰分南北辨

或曰。傷寒因於寒。癰癰因於熱。則北地多寒。傷寒乃北方之病。南地多熱。癰癰乃南方之病歟。曰。理。古聖人亦有異法方宜之論。然不可執一。第曰北方傷寒病多。南方癰癰病多。則可。若曰北方無癰癰。南方無傷寒。則不可。蓋天道無常。假令北方暑熱過多。秋時暴熱數日。北人感此氣亦多病癰。廣之東南。設有冬時大寒數日。南方素無寒。若感此氣亦多病傷寒。故醫者當上察天時。四時溫涼寒熱。上明五運六氣。司天在泉之理。下察四方風土之宜。中辨病人平日之

性宜涼宜執。半日是何脉。再審今病。或外傷風寒暑濕。或內傷飲食勞役七情男女。或感乖戾之氣而爲瘴。灼見其病之在何經何臟。宜補宜瀉。宜吐宜汗。宜溫宜和解。萬舉萬全。庶不愧爲醫矣。

瘴癘五臟俱病

夫人身自胸膈至頭爲上焦。其氣象天。自胸膈至腹爲中焦。其氣象人。自腹至足爲下焦。其氣象地。以五行論之。上焦屬丙丁火。中焦屬戊己土。下焦屬壬癸水。在五臟。心肺陽也。居上。脾陰。坤土也。居中。腎肝陰也。居下。必也陰能升。陽能降。以成水火之既濟。天地之交泰。則爲平人。若夫發瘴之地。秋冬多熱。則人身陰陽之氣。上者自上。下者自下。而成火水之未濟。天地不交之

否故一觸外邪五臟俱病其病多上熱下寒外熱內寒何也天氣通於肺天氣熱故肺熱極所以大渴引飲小便頻數或遺尿氣逆胸中痞悶或衄血心在上焦火位天氣熱故心熱極所以心煩悶亂狂言譫語神識昏沉瞽不知人或吐血飲冷舌黑面紅口唇生瘡脾爲中州坤土天氣熱則地中陽氣恒浮而不降地下無陽則寒故脾土虛所以鼻尖涼多痰肌肉削不能食面黃四肢無力或嘔或泄中焦虛痞氣倦怠肝腎居下焦地之分天氣熱陽氣不降地下無陽故肝腎虛寒所以腰重脚弱筋骨痛腿足寒厥或吐衄或吐沫瘴病一作五臟之證俱見非若傷寒之傳經傳一經方見一經之證也知此則知傷寒汗吐下之法不當施於瘴癘矣而治瘴之法當知升降浮沉則順之寒熱

冷瘧

溫涼則逆之之理必使心肺之陽降於下焦俾下元溫煖下元者人身之根本也溫煖則根本固根本固則邪熱退諸病息矣其證惡寒發震發熱頭或痛或不痛或嘔吐或不嘔吐胸膈痞悶身重腰痛腳軟或先寒後熱或先熱後寒寒時雖厚衣被不能溫熱時雖臥冷地不能涼或大渴飲水或一日一發發時多退時少或間日三日一發或兼口證極多不能盡述惟以其有寒謂之冷瘧有陰有陽口證云冷瘧必不死此瘧之輕者也其脈或寒時微遲熱時弦數或來六七至或陽證見陰脈治法先用感冒丸十四粒薑湯送下次用陳皮半夏湯三四服或不換金匱氣散三四服重者七八服方用和解湯三四服或

七八服加厚桂更好得寒熱間斷多時後用截癘丸酒炒截之
或養胃湯不已四獸飲此常法也

如往來寒熱痰逆嘔吐頭痛及身腰痛如被杖汗多煩燥引飲
自利小便赤或如中風者薑附湯主之如寒熱往來煩渴手足
冷鼻尖涼身重舌黑渴欲飲水自利嘔逆汗出惡風者乾薑附
子湯主之如上半身熱極下半身冷腿足寒厥者沉附湯主之
或送養正丹黑錫丹靈砂丹

如發熱手足厥冷煩渴悶亂上吐下瀉者附子理中湯主之
如發熱咽隘乾燥焦煩大渴飲水不止者冷湯主之或既濟湯
理之渴甚者奪命散加附子主之

如發熱腹痛頭目昏沉四肢疼痛大便自利小便或澀或利或

嘔或咳者真武湯主之

如發熱惡寒嘔不止者藿香正氣散主之夫瘴病多嘔病因飲食傷脾而得又交方之病氣多上逆痰與氣併而上故多嘔如因食生冷太過嘔而惡食頭目昏沉肢體拘急痰多腹痛者藿湯加附子沉香主之嘔甚送來復丹或治中湯主之

如嘔吐膨脹者二陳湯送感應丸

如嘔而胸膈不快脇筋脹滿心腹刺痛食少多痰吞酸噎氣及見證不一者以嘉禾散主之

如寒熱往來惡心嘔吐吞酸噎腐腹痛痰痞不能食紅丸子主之

如大便秘者先服和緩湯自然通利或秘甚者用嘉禾散加蜜

至之、又有多日不通者、看病勢何如、得大便利而後病方得愈、方可用蜜導法、若不甚急、只以治瘴爲主、得熱瘴不來、大便自然通利矣。

如寒熱臍腹刺痛、脇痛煩亂、引飲、霍亂手足厥冷者、冷香湯主之。

如寒多熱少、或但寒不熱者、其人平日虛弱、七氣湯主之。

如神思昏亂、狂言譫語、不知人事者、輕則養胃湯加附子、沉香重者二陳湯加泥附、若甚者沉附湯主之。

如脉代者、此病甚不宜代脉、看大便何如、如大便照常、養胃湯加附子、主之、如大便秘利、可與正氣散、或和解散、加桂、大便秘行、則代脉去矣。

如發熱頭痛、小便不利、煩燥、飲水入即吐者、五苓散主之。若引飲自汗、小便赤澀者、不得服五苓散。汗出更利、小便必亡陽也。況滲泄之劑、下虛者尤忌之。如四肢厥冷、頭額虛汗、欬逆脉促、其證甚危、三建湯主之。

如證候不一、多所變怪者、和解湯主之。

如瘧止後腰痛脚軟者、加減五積散主之。

如瘧止後汗多者、黃芪建中湯主之。

如瘧止後食少體倦者、異功散主之。

如瘧止後多痰、及食入而心下飽悶者、吞硃六君湯、或吞養脾丸。

如瘧止後虛煩不得眠、心膽虛怯、觸事易驚者、溫膽湯主之。

熱瘴

其病身發大熱、神氣沉昏、晝夜如臥炭火中、腰痛脚弱、大渴欲飲冷水、上皖痞悶、神昏妄語、頭痛或不痛、或嘔逆或不嘔逆、小便赤澀、或頻數、或遺尿、大便或秘、或自利、舌黑面赤、目紅、或吐血衄血、兼見之證、不能盡述、惟以其單熱不寒、謂之熱瘴、其熱多不間斷、因陽氣盡發泄於外而然、諺云、熱瘴久而死、此瘴之重者也、治得其道、得生者多、其脉洪弦數、或來七八至、亦有見陰脉者、治法先刺之、

南人治熱瘴初起、不用藥、只挑草子之法、廣中~~見~~處有人能之、凡有瘴發一二日、捲其上下唇之裏、以針刺其血、正中、用手捻去紫血、又以楮葉擦舌出血、又令病人並足而立於兩足後腕

橫縫中青脉刺之出血如注乃以青蒿水與服應手而愈若冷瘡與雜病決不可刺熱瘡之可以刺而得愈者即太陽傷寒證邪氣在表當汗之法也刺出與血即是得汗而其效速於得汗蓋身之上下唇之陽明胃脉之所經足後腕之太陽膀胱脉之所經太陽受病三日而陽明受病南人之針可謂暗合若患熱瘡而不卽刺及其三陽傳遍邪氣入裏雖刺而血已凝非惟無益或至重傷又南人針法別有不可曉者發瘡過經已入裏而將死刺病人陰莖而愈竊意其通五臟刺之或可去內腑之熱耳然少壯者尚可施於怯弱者豈不危哉按黃帝內經九鍼從南方來刺熱論曰病未見赤色而刺之是謂治未病然則南方桃李子之法不可廢也但南人未知辨赤色之道

愚謂熱瘧初起、刺病人兩足腕出血、又刺舌下出血、頭痛兩額
角脈脹者、與兩額角脈上刺之出血、其病勢果衰大半、次服不
換金正氣散、又服和緩湯七八服、得間斷、一日一發、然後截之、
若○~~○~~二日一發、尤妙、不來之日、服和緩湯七八服、和緩後、
熱勢稍緩、服養胃湯吞截瘧丸酒送、日服六七次、如未止、服四
獸飲此○常○法也、如變證不一、當與治冷瘧方法互治之、
如其證未解、或疑有熱、亦不宜服發汗及涼藥、但取嘉禾散服
之、若果蘊熱、但冷服無害、蓋嘉禾散治下虛中滿、能升降陰陽、
正與秋冬作熱之地為宜、服二三日、則寒熱之證○判矣、
隨證調治、自無不效、

如嘔逆以養胃湯來復丹治中湯二陳湯選而用之、

如兀兀欲吐而不吐者一陳湯主之

嘔而熱不退者藿香正氣散主之

嘔而膨脹二陳湯下感應丸

嘔而頭痛來復丹兼如聖飮子

嘔而胸膈不快下虛中滿嘉禾散主之

嘔而大便秘嘉禾散加蜜主之

嘔而腹痛紅丸子及烏沉散

嘔而痰逆頭痛身痛脚痛脚弱熱大汗多煩燥引飲大便自利

小便赤澀者藿附湯主之吞養正丹或靈砂散

如發熱煩燥手足冷鼻尖涼二證病人因熱大煩燥多不自知

醫者須以手捫其手足與鼻尖方知之身重脚腰痛舌生黑胎

大渴引飲自利嘔逆自汗惡風者乾薑附子湯主之

如大熱咽噤乾渴煩燥不解者冷香湯主之

如熱大煩渴大作飲水無度者既濟湯主之甚者合奪命散

如熱大神昏不知人事妄語遺尿吐血衄血舌黑面紅目赤煩渴脉弦而七八至以手捫之額上極熱胸腹熱腰以下不熱而冷雖狂言妄語病人必踈卧以手捫心或引衣自蓋陰證具於隱微之中况脉只以五六至為數為實熱若七至八至是內陽盡出於外之脉腹內則空虛矣若誤用寒涼攻外熱其斃也可立而待急用沉附湯主之吞黑錫丹稍緩者二陳湯合沉附主之輕者養胃湯合沉附湯主之

如熱大煩渴悶亂嘔逆泄瀉手足稍微冷者附子理中湯主之

如嘔逆泄瀉、臍腹刺痛、脇肋脹痛、引飲無度、胸膈不利者、冷香湯主之。

如發熱腹痛、頭目昏沉、四肢疼痛、大便自利、小便或利或澀、或嘔或欬、自汗多者、真武湯主之。

如因誤攻外熱、以致四肢厥冷、兩足如無、頭顱虛汗不止、或時發噦、脈數而促、其危尤甚、急宜救心液、壯真陽、庶可更生、宜服三建湯。

如大便秘、其脈六至、兼弦而有力者、和解湯主之、甚者用蜜導法。

如夏月冒暑、伏熱即發、熱瘴煩燥、日渴上吐下泄、心脾不調、脈全不具陰證、其脈弦而六七至有力、六和湯主之。

如熱大便堅硬其人平素脾胃壯實而脉弦數有力者和解湯加藕葉地骨皮主之

如發熱頭疼或眼睛疼大便實其脉舉按皆弦數全無陰證其人平素宜涼劑者參藕飲主之只可一二服稍和即止不可過用

如已分爲間日脾胃已和濕冷已去病退時脉亦弦數者養胃湯加柴胡主之

如已服正氣和解溫中固下後熱已間斷截癘丸不住者十四日外可少與柴平湯或柴胡散尤穩不可多服參藕飲柴平湯柴胡散三方須細察病人平素宜涼劑胃氣壯實及脉實而無陰證者方可用之如稍緩不若和解湯加減守

之免致失手

如已經七口發熱煩燥引飲喜冷水大便不通小便赤澀狂言
內熱神昏不省者樂令黃芪湯主之若因上熱未降者尤宜沉
附湯主之

如無汗發熱頭痛小便澀煩渴飲水水入即吐五苓散主之不
可多服

如瘴止後猶狂言神昏者因心經之陽未降於下焦故也二
陳湯加沉附主之或養胃湯亦加沉附

如瘴止後腹痛腸鳴大便溏而頻平胃散主之

如瘴止後虛煩不眠心膽虛怯觸事易驚或夢不祥或異象眩
惑夜不安寢者溫膽湯主之無多服

如瘴止後精神倦、不喜飲食者、男功散主之、

如瘴止後、腰痛脚痛、加減五積散

如瘴止後、自汗多者、黃芪建中湯主之、多痰體倦、六君子湯

如瘴止後、易饑易飽者、香砂六君湯吞以藳脾丸

瘧瘴

瘧病初起、發熱頭痛、或嘔逆、或不嘔逆、兼證雖多、惟以其神昏不能言、但噫噫作聲、或全不作聲、謂之瘧瘴、此熱瘴之甚者、故論云瘧瘴、其不可治也、但不犯不可服之藥、治得其道、千百人亦可起一二人、其脉初起一二日、七八至而弦、熱大至、三四日熱微、神清、脉反和平、

如證精神清、目開如常、能飲食、能大小便、熱微、脉平、常只是

全不作聲者此真痙瘳極難救。蓋肺氣入心則爲聲音。今瘳毒之熱沸其血湧於上塞於心肺之竅故不能言。七日後多死。治當散其血。用麥冬湯調黑神散亦有得生。

如口瞤目上視口噤牙關緊閉昏不知人遺尿遺尿不能言以手重拿曲池虎口頰車人中亦知畏寒不能出聲叫哭待熱微時稍言一二句此痰迷心竅也爲痙瘳用青州白丸子二陳合星附湯或三生散元氣虛者加人參十可活三四如手足搐搦氣逆者附香散及養正丹如因食冷物所致者蘇合丸

如舌強精神不甚昏能飲食大小便亦通熱不甚惟舌本強木不轉而不能言者亦非正痙瘳乃瘳毒中於心脾二經致心之別脈係舌本脾之別脈連舌下邪氣入其經絡亦然用正舌

散及金蠟、射香、南星、枳殼之類。

如其發初起或是寒瘧、或是熱瘧、能言語、因醫者誤用發汗及升藥、陰藥而變啞者、爲不治之證。雖神氣清爽、脈息和平、二三日決死、不可用藥。

不治證

一瘧病初起、熱大不語、至二三日、熱微、神清、脈和、惟不作聲、此真瘧瘧、不治。

一瘧病上吐下泄、精神昏亂、脈微遲無力、二三日決死、勿治。

一瘧病因食生冷過多、至四五日作泄、手足冷者、決死、勿治。

一瘧病熱退時、脈亦七八至無神者、決死、勿治。

一瘧病脈大而散、無胃氣者、不治。

一瘧病陽證見陰脈無胃氣者不治有胃氣者生

一瘧病悞服麻黃發汗藥及柴胡黃芩苦寒藥而變瘧者決死不治

一因悞服麻黃而筋惕肉瞤者死

一因悞服麻黃而目赤喘急者死

一因悞服麻黃汗出不止發寒而噓者死

一因悞服寒涼自利而手足厥冷漸及肘膝者死

一因悞服寒涼而發噓者不治

一因悞服寒涼狂起亂搏人者不治

一因胎前染瘧胎落而變瘧者不治

一產後染瘧脈洪大如竹管鼓指七至者不治

脈

瘴病之脈不可不細察。如真脈沉細而遲。此元氣虛寒之脈。外證雖見純陽。當急用沉附等藥。苟悞投以寒劑。其逝卽在頃刻。所謂承氣入胃。陰盛乃亡也。在傷寒陽證。見陰脈爲必死之證。瘴瘧爲上熱下寒。外熱內寒之病。陽證見陰脈爲真病。脈見有胃氣者反爲易治。萬不失一。

如真脈弦帶數六七至。有力而不散。此元氣不虛。寒外證無陰證。具於隱微之中。只宜正氣散和解湯等藥。苟悞投以薑附。亦難收功。正所謂桂枝下咽。陽盛則斃。或間有陰證。見有陽脈。亦不宜例用薑附。且與和解正氣守之。若苦寒之藥。不可以脈見陽而妄用也。

如真脉洪大無倫七八至按之鼓指者或無力者此元陽氣盡泄於外也。脉不可謂之陽脉蓋脉只以六七至爲數爲熱若七八至爲元氣已越而邪氣獨盛正不勝邪故見是脉以浮而無力爲洪若洪大過筋似指則爲元氣不固於內反泄於外故見是脉正內經所謂脉大爲虛是也。鼓指者更虛於無力二脉兼見似內傷火不歸經之證方書謂龍雷之火其外證決見大熱之病細察之必有陰證具於隱微之中急宜用薑附等大熱之藥冷飲之其效可必倘悞投涼藥禍如反掌在他證脉至七八至爲七極八脫決死之脉在瘰癧如治以法永保無虞如脉代而不散者曾問大便如溲小便調爲元氣不足宜參附以劑補之元氣實代脉去矣若數日未更衣更宜和解正氣使

大便利黑屎去則代脉去矣若代而兼散則爲不治之脉
如脉瘴作時七八至溫中固下正氣和解後熱退時一呼一
吸只來二至在他證爲二敗必死之脉在瘴瘧爲邪氣盡退正
氣將復之脉其外證見渾身冰冷困倦乏力惟口中所出之
氣畧溫或大汗如雨惡寒之極斯時惟宜調養勿服補脾之藥
一日則前證俱退二三日脉復四五至矣

日期

瘴病無傳經治得其道則自減而瘴期治失其道則至其時日
而增劇如瘴初起輕則自間斷正類瘧病治之當一日一發者
十四日愈或二十一日愈二日一發者七日愈其故何也夫瘴
是元氣不勝邪一日一發元氣難復其愈遲二日一發元氣

易復其愈速若三日一發則與咳嗽無異當以治瘴治咳之方斟酌合用必半年一年方可愈也其次初發不間斷正氣和解後三日卽間斷七日可愈或十日愈又有重者直至七日方間斷十四日可愈如不愈二十一日猶未已者雖求愈謹慎用藥再無變證若不知治瘴之法妄用藥餌以間輕重如重犯發汗涼藥則三日變證七日死有十日變證者有十四日變證者有二十一日變證者若犯石膏大黃則變證只在頃刻總之治失其道七日內變證極多十四日變證次之二十一日內變證又次之

婦人

南方陽浮陰閉陽恒泄陰恒固男子以陽爲主故瘴病者多女

子以陰爲主故病瘕者十中一二治法與男子同更加以豁痰
調氣降氣爲主用四七湯烏沉散佐以沉香間服或加四物惟
胎前產後與男子異在胎前以正氣和解方加大腹皮砂仁杜
仲續斷安胎或兼四物若見陰證亦照薑附溫中鎮下方法胎
亦不落卽經所謂有故無殞是也或不幸而瘕毒深重熱極
胎多難保胎下不變瘕不作瘕脉不洪大無倫鼓指數七八至
者猶可治設變瘕或脉七八至雖參附亦無如之何矣在產後
染瘕者當大補氣血爲主佐以溫中鎮下正氣和解不變瘕脉
不大七至八至多有得生者蓋脉大鼓指七八至瘕脉之常本
可治惟產後不宜見此其大法不出於前三證中參論臨時斟
酌可也

合
三
候

小兒

小兒瘳病多因乳母不與之避寒暑、咬生冷、殮炙煎、致兒聚痰、爲患。況小兒較之成人、謂之啞科、以其不能言病情、故難辨別。醫者當審諦、聞其聲、望其色、察其舉止、看其虎口、參以三證治法、斟酌其輕重、而後藥之可也。如熱大不寒、振不作聲、以手重拿合谷、不作聲、惟手撐動、熱微時亦不作聲者、此是痘瘳、必不可治。如熱大、面赤、舌黑、目赤、唇紅、欲扯匾碗、頻含乳、唇紅是肺熱、欲扯匾碗、頻含乳、是口大渴、上吐下泄、踈卧、或俯卧、手足指稍冷、是虛欲就實、手足指冷、是胃中寒、睡露睛、是脾虛、時時狂叫、或曲腰而啼、是腹痛、虎口脉過三關、當用附子理中湯治之。服至病減方止。如熱大、面赤、舌黑、目赤、唇紅、頻含乳、不吐大便。

秘小便赤手足指稍不冷睡不露睛仰臥時時狂叫虎目脈過三關此無虛寒之證當用正氣和解泰以熱瘧方法治之如先寒後熱先熱後寒或間一日發者或日一發者此是冷瘧治當以前審病之法用藥庶幾可稱為幼科之國手

發瘧時調理却病法

發瘧時必須加意保養晨興盥漱後先服平胃散或不換鈔正氣散過一刻啖粥已時早食申時晚食夜間服理脾消食丸藥酒少飲如不宜太醉天氣若不常日力順其寒燠加減衣裳不食生冷則脾胃自壯省食油膩則胸膈自快無忿怒以傷天和重節色慾以固真氣如此調攝決保無恙如秋冬天熱服以降氣鎮陽藥養正丹黑錫丹蘇子降氣湯秘

傳降氣湯沉香降氣湯選而用之

瘡病中將息法

凡纔病瘡時切須忌口非惟生冷油膩不可食尤忌酒肉魚翅
之類。不可食粥。戒葷食。得白。得白。得白。得白。得白。
不可發時。不可食。發過稍久。不可食。如不。從便吃白粥。
不可大飽。忌口則。食。物。助邪。服藥不
效。每日只宜漱口。不可洗手面。梳頭。但安心坐卧數日莫
動。如此將息無所不瘡。

瘡病後將息法

凡瘡病纔住可記初發幾日依前日數十分畏謹大率瘡不發

後三日方可洗手、七日後方可洗面、半月後可畧梳頭一二次、三月內戒房事、能戒百日尤妙、癰不發時仍素粥三日、經五日後以猪脾熟煮羹薄吃軟飯、十日後畧飲些酒、少吃肉羹、但不可食諸酥骨汁、犯之卽再發、如牛羊雞肉須忌一月、如不能將息、或致再發、又須依前法服藥、前法將息而已、如饑飽勞役、喜怒不時、再發雖依前法服藥調理、多致延綿半年、方得平復、終不若小心謹慎調理、不再發爲妙、

灸法

灸法

凡冷痺初起、腰足寒厥、其脈沉細、因失饑寒、傷飲食、致病者、內服薑附等藥、外灸中脘、從建里上行在臍上四寸中脘穴也、氣海、在臍下一寸五分、宛宛中氣海穴也、三里、從上廉穴上行一

寸銳肉之端按之內起手三里穴也三穴使中氣溫下元煖則

病無不愈若無前證其人平日不甚虛弱及病始發者未可使

灸如瘰癧既久氣血已虛服藥不效者宜灸膏肓從魄之下行

第四椎下五椎上此穴居中去脊中各三寸半正坐曲脊取之

膏肓穴也或大椎一椎之上大椎穴也及第五椎五椎下神道

穴也二穴隨年壯尤妙及足三里則久瘰自痊熱瘰忌灸

瘰癧後變證

瘰癧後調攝較之他病難自倍者瘰癧者於飲食起居存陰

戒食辛熱之品謹慎百日待元氣復元方免變證

若起居不時恣意飲食與酒相和則自氣無

日自以脾胃元氣未復不能消化自積而作癰聚而作瘰

浮而作腫○此難以立方施治蓋謂瘴後元氣常虛是無根樹
將何以當病邪今擇數方治○後以備審用當○時○權○會
虛實而補瀉之

痢

下痢○氣脾胃衰弱飲食不節積而不化遂致濕熱傷
於氣分則白傷於血分則赤氣血俱傷則赤白相雜其青黃黑
色者由濕熱兼傷各臟故見各經之色也脉沉小流連有胃氣
者生洪大而數者死身涼脉靜者生身熱脉大者死

治法初起腹痛裡急後重○如元氣未虛者
先服○下之去其積滯兼有實熱者量用木香檳榔
下之蓋謂無積不成痢故先宜蕩滌以去其積若兼伏暑以

讀史百篇

辨證

看

豈可執一物以治之耶如診視而知其脾胃脉不弱問知其心煩頭痛手足溫熱未嘗多服涼藥此乃毒氣上冲心肺所以嘔而不食宜用**藜蘆散**每服四錢陳倉米百粒薑棗煎服又一方石蓮子搗碎去壳留心研爲細末用陳倉米飲調下若其脉微弱或心腹虛膨或手足厥冷初病不嘔因服藥壳烏梅及諸苦澀涼劑或飲草藥過多早晨未食先嘔不思飲食此乃脾胃虛弱却可信簡易方之言又有一方猶爲簡易用山藥一味剉小豆大一半銀石器內炒熟一半生用同爲末米飲調下甚有奇效又**導觀前**難疽方治**腹中食積**有**一**說毒氣攻心者以乳香、豆粉作內托散服之脾氣虛弱者嘉水散山藥丸治之胸中當存活法裁其方法爲噤口痢用何患不收功於危篤

耶大都瘴後痢疾極難施治如前數藥雖是良劑特準繩耳至於臨時變通在醫者盡望問切之功極精巧以別其虛實寒熱然後施治庶可爲人之司命

腫脹

腫脹也。因益有脾胃元氣虛損又不能調攝飲食起居失時復傷脾肺腎三經俱能作腫。傷脾而腫者卽經所謂諸濕腫滿皆屬脾土是也。傷肺而腫者卽經言飲食入於胃遊溢精氣上輸於脾脾氣散精上歸於肺通調水道下輸膀胱令肺傷不能通調水道下輸膀胱使小便不利汎溢作腫是也。傷腎而腫者腎屬水令腎氣虛寒不能攝水以致汎溢反以浸漬乎上於是三焦停滯經絡壅塞滲於皮膚注於肌肉而爲腫也。

脉浮大者生沉細者死臍突缺盆平手足心腫起無紋滿肚青筋腰腫陰腫無縫者俱不治

治法傷於脾者宜實脾利水快氣嘉禾散烏沉散五加散實脾散五苓散五皮散平胃散胃苓散流氣飲斟酌詳用切不可用樟柳花黑牽牛戟甘遂下水之劑傷於肺者補中益氣湯加減用之腎水虛寒者附子理中湯香砂六君湯加薑附煎送金匱腎氣丸已上諸方治腫基蹄變通之妙尤在醫者隨時取用

痰

瘰癧之作多由痰滯而成故瘰癧後稍不調攝痰證卽作然痰之變證非止一端爲喘爲咳爲嘔逆爲麻木爲痞隔及爲異病之最重者又爲卒暴痰厥眩暈等證

若痰厥僵仆、不知人事、脈浮而遲者生、數而急疾者死、目開眼合、手撒遺尿、吐沫喉如鼾、睡髮直搖頭、汗綴如珠、皆不治之證。治法痰厥者、三生飲合奪命散、元氣不虛者、吹鼻藥、三生飲、星附湯、星香散、及導痰湯、選用。其他痰證、以二陳湯爲主、隨證施治、不可執一也。

辨藥

升藥

南方[○]地[○]氣[○]陰[○]常盛春夏多寒陽恒泄秋冬多熱陽外而陰內陽浮而陰閉故人得病多內寒外熱下寒上熱醫者不察概用升陽發表等藥致病者痰滯神昏而不知人服多者氣逆噦而汗出卽逝蓋瘴病之作秋冬爲多人之陽氣春升夏浮秋降冬藏秋冬[○]是行夏[○]令[○]而秋[○]令[○]行陽氣之下降[○]明矣陽氣不降則中下二焦空虛而寒大法升降浮沉則順之寒熱溫涼則逆之知此者急使陽氣下降及溫中之不暇而況敢用升浮涼藥以犯逆時之戒乎凡升陽之藥味辛性涼味辛便能散真氣性涼非脾胃虛寒所宜因其升故心肺之陽

不降所以神昏不知人因其散氣故中氣愈虛不能運痰所以痰滯因其性涼脾胃愈寒所以發噦因其發汗故汗一出翻然作冷上焦幾微之間氣隨汗而出所以卽逝護論至此治瘧者豈可升陽風藥而妄用之哉所謂升陽風藥者如升麻防風荆芥薑活獨活前胡薄荷天麻蔓荊葛根細辛白芷川芎紫蘇之屬是也醫瘧者不識其理妄以頭痛發熱身痛口渴爲時行寒疫用敗毒散及升陽散火湯二三服則痰滯不語目瞪口呆元氣素實者熱退時此證亦退而甦熱來時其證復來此時急宜溫中利痰用治瘧正法多有得生者若元氣虛服三四服卽變痙瘓七日外竟成大夢又有一等元氣極實者服前藥亦不痰滯亦不變痙止是熱不退直至十四日內熱

微時方作噦而逆。此等變證不惟敗毒散火湯雖參蘓飲變證亦如此。

降藥

經曰重陰必陽、重陽必陰、瘴病之作、天氣熱而人身亦熱、上多燥渴、心胸煩熱、是重陽也、而鼻光涼、腰足冷痛、是陰寓於其中也、又寒極生熱、熱極生寒、故瘴之始作也、必大熱、及其病退也、身如冰、如冰冷、~~身如冰冷~~知此理、見其發熱煩燥、舌黑面紅、目赤、脉弦數、便以爲大熱之證、用苦寒降藥、如黃芩、黃連、梔子、黃柏、知母之屬、愈投愈劇、連服數劑、則上熱未降、中寒大作、或變癰、或痰滯、或發噦、或手足稍冷、厥而泄、諸證一起百無一生、~~甚~~者見其煩燥引飲、而用白虎湯、石膏、粳湯、見其舌黑

大便秘小便赤可用大柴胡湯承氣湯此藥下咽或即發狂而
或痰滯頃刻危亡是知瘴病未必遠能危也醫危之
也苦寒降藥如天花粉木通滑石車前子玄參連翹玄明粉生
地黃之類亦不可輕用醫者審之

平胃

或曰瘴病因於脾胃虛寒外感乘戾之氣而成治法必先正
氣和解所用正氣散養胃湯不換金和解散諸方俱有平胃散
在內蓋平胃散古人用以治脾胃敦阜有削平之義故曰平胃
非補脾胃藥何又用之況瘴病脉弦服而服平胃散又犯東
垣虛虛之戒何也曰發瘴之地地多山其土卑薄方其晴
明天氣熱蒸地下生水及其陰雨地下多濕人生其間常履於

濕土之上、經曰穀氣通於脾、濕傷脾內、故脾胃之虛、多由陽氣浮於上、陰濕之氣傷於下而然、非若內傷之主於飲食勞倦也、用平胃以去脾濕、胡爲不可、中有蒼朮之燥濕、不閉腠理、使汗易出、陳皮之消痰下氣、厚朴溫中下氣理痰消食、甘草之調中氣益脾胃、故李待制選以爲治瘴要藥也、若謂脉弦在內傷、謂肝木尅脾土、宜補脾抑肝、不宜祛濕、故犯虛虛之戒、不知瘴癘脉弦是瘴脉、自弦之弦、爲邪在半表半裏、因濕生痰而作、故不禁平胃、正欲其溫中去濕也、

麻黃

衛生方云、麻黃生於中牟、有麻黃之地、冬雪不積、蓋麻黃能泄內陽故也、今南方無霜雪、皆如麻黃之地、陽氣恒泄、則日可知

人居其間不勞麻黃而自汗有病則不宜輕發汗輕用麻黃此
金匱明前輩詩云四時恒是夏一雨便成秋讀此一聯不惟知
南方天氣亦可觸類而知夫人之病也假如病者多熱纔經一
汗便翻然爲冷是豈宜輕發汗耶如五積散通關散金沸草散
九寶散小續命湯十神湯香薷散俱有麻黃雖有主對亦不可
服若麻黃湯青龍湯南方尤不可遽用也今人例以麻黃爲發
散藥殊不知其力祇能驅我之內陽以却外寒也古方書用
治肺經咳嗽以麻黃杏仁桑白皮肺爲嬌臟易於感寒且用之仲
景治足太陽傷寒以太陽在表非汗不解及治少陰經傷寒發
熱脈沉蓋少陰當無熱惡寒反發熱者邪在表也故以溫劑佐
之發中有補皆所當用也除此三經方書已自少用況南方不

寒之地、~~虛寒~~重瘴病、~~虛寒~~感寒、即不因感寒、不用麻黃、又
何不可、南史記范雲欲赴梁武帝九錫之命、忽爾傷寒、召醫徐
文伯治之、恐不得與慶事、實告之曰、欲即愈、當先期取汗、但不
免妄泄元陽、恐二年後不復起矣、雲曰、朝聞夕可、況二年乎、文
伯燒地布薦、置雲於上、得汗而解、雲大喜、文伯曰、不足喜也、後
二年果應、夫發汗先期、尚促壽限、況不當汗而汗乎、又嘗見有
染瘴者、上熱下寒、腰足寒痛、自謂五積、散證也、遂倍加麻黃、多
衣覆汗、竟成重證、雖服真武湯亦莫能救、~~佛養於此者、用藥~~
~~者、~~戒大凡瘴病、誤用麻黃、服後啞者七日內死、或筋惕肉瞤
者十四日內死、或目赤上氣喘促者十四日內死、若汗出不止、
脈細如無悸動、寒戰發噤者、即時死、余常自警可不慎哉、

柴胡

衛生方云夫人身本地水火風四大假合陰陽和會上焦屬火爲陽下焦屬水爲陰遇有寒熱見上熱下寒之疾不能升降既濟之而反用藥實實虛虛則水火解散而人身壞矣嘗讀見柳司教彭亮一日染瘴身熱心煩自以爲實熱乘渴以冷水吞黃連黃芩丸又取冷水以漬胸膈至日晡小便漸多更服黃芩湯小柴胡湯是夜連進數服小便愈數次熱漸退而即逝

曰良哉夫下元爲人身根本根本既虛身乎何有小柴胡湯今人但知爲可用追熱和知母所以用黃芩仲景製方惟用之以治足少陽膽經傷寒蓋膽無出入道路柴胡乃本經藥邪在半表半裏非柴胡黃芩之苦能發傳經之熱則不可佐以半夏之

辛以散除煩嘔復用人參甘草之甘以緩中和之氣及自也也倘不擇其可而概用之鮮有不蹈彭司教之轍者大凡瘧病誤用柴胡湯服後愈增煩渴舌愈黑身沉重自利頻頻手稍冷漸漸厥者二三日決死或發噦者七日內死或痰逆而啞者七日死俱所目擊者或曰若悉柴胡斷不可用與余曰發胡能治邪氣在半表非不可用也但必須其證一定不可已方可用之亦不可遽用其性極寒必先溫中固下正氣復也也復其病退時脉亦弦數外證的係實熱方可用之亦當與正氣平胃養胃兼用可也或李待制柴胡散尤為穩當

檳榔

嶺表之俗多食檳榔蓋謂瘴癘之作率由飲食過度氣痞痰結

此地食酥
酥以常保
保者不
得此數
後補入
段為作
且為此
多所為
從

而檳榔最能下氣消食去痰故土人徃於近利而暗於遠害
謂北人之飲酥酪塞北地寒食酥酪膚理縝密一旦病疫當
自寒塞而汗不得出南方地熱食檳榔不知檳榔味辛能下泄
元氣大泄胸中至高之氣久食檳榔臟氣疎泄一旦病墜元氣
已虛故不能堪所以南方多體瘠色黃是氣傷所
致亦檳榔為患也

附子

衛生方云重陽必陰重陰必陽寒熱之變物極則反今瘴病或
始寒戰而終大熱或連日極熱而後作寒正謂此也第傷寒以
不飲水為內寒瘴則內寒也亦飲水甚則欲坐水中取水以
漬其心胸蓋炎方受病氣專炎上心肺焦熬華蓋乾涸所以多

渴若其脉浮而虛、按之無力、又或病潮時、脉洪數、病不潮時、脉微弱、其證則心煩燥、額上極熱、面色多赤、舌多黑、頭或痛或不痛、小便或頻或赤、大便或泄、腰腿沉重、兩足不熱、甚者寒厥、或寒誤服涼藥、則渴轉甚、燥轉急、治此者、當引上焦熱氣降於下焦、正宜用大附子、及灸丹田氣海足三里等穴、使下元煖、陰陽交泰、而病自和解矣、或曰、口渴心煩、面赤舌黑、小便赤、脉數、明是熱證、而子謂治此病者、宜用大附子、附子乃大熱藥也、以治治其熱之病、是以火濟火、甚駭耳目、蓋子其有說、曰、通也、乎余曰、書有云、凡間之火、得木則炎、得水則伏、其疾之小者似之、故立方有正治、龍雷之火、得木則燔、得水則安、日出則滅、其疾之大者似之、故立方有從治、燄佐以熱、因寒用之、寒因熱用、

分理令人染瘴或啞而不能言或熱而精神昏亂如臥炭火之中、身死一問不謂之火病可也所以立從治之方有薑附湯乾薑附子湯沉附湯附子冷湯附子理中湯真武湯冷香湯七棗湯極重三建湯雖各有主對俱係溫劑合冷服之或佐以涼藥乃寒因熱用也或曰以熱治之也法既聞命矣而三建湯用川烏附子天雄乃一物也何以別之余曰以春月採小者爲川烏主除寒濕去痰冬月採大而有小子附於旁者爲附子主回陽反本補下焦之陽虛大而旁無小子者爲天雄取其雄不孕子之意其力全無分散補上焦之陽虛以三物同一本出於建平故名曰三建瘡虛因醫者誤用涼藥以致四肢厥冷頭額虛汗發嘔脉數而促證甚急用之能收心液能止真陽多有得生者

常山

瘧與瘧似同而實異。瘧之輕者全類瘧。瘧醫者以知瘧瘧也。
●例用常山白朮及草果湧吐其痰致元氣實者在再難安元
氣弱者即加腫脹。●致不起痰可也息蓋瘧因陽氣不降及
吐之則不降之陽氣愈升中氣愈虛其不危者幾希故白朮草
果不可用若常山猶有用處其力能去皮膚毛孔中之瘧氣
寒熱所感邪氣多在榮衛●之間欲除根本非常山不可然
常山多能吐人須製之使不吐方可用七寶飲冷服之不吐截
瘧丸日服六七次酒送之亦不吐屢驗之藥也。●知也瘧之未
後又其方與瘧之始發必先正氣和解溫中鎮下。●母母瘧人
●在之瘧其法所謂避身避銳是也及與熱之間斷也明見其

作息有時一日一作只有五六時卽退或間一日一作
脾胃已和下焦濕冷已去元氣漸而平復邪熱漸微漸短卽用
心飲勸應手而愈西師謂醫者是也苟不
明理當其病熱正盛而用常山則非徒無益而正氣愈損矣
黃芪白朮肉桂

瘧疾由暑熱所以腠理不密多自汗醫者因其自汗以
治瘧之法治之用參芪歸朮之劑補之服後愈覺煩悶難安神
識昏迷不知天熱氣蒸得雨方解瘧病熱蒸得汗方除白朮止
汗黃芪止汗密腠理汗不得出熱蒸無由得解更作煩悶神昏
故白朮黃芪亦不宜遽用或曰白朮黃芪其性斂汗爲不可用
而肉桂非汗藥何又用之曰肉桂固能止汗本草有曰主

溫中又曰本乎地者親下補腎用肉桂故其性亦能引上焦之陽氣下達腎經故曰用白芍以和之得兩方解瘧瘧熱蒸得汗方除今病者自汗宜其瘧之愈也何又不除余曰此自中氣得舒片時之熱悶耳若欲其愈必以溫中固下正氣和解使陰升陽降榮衛和調邪無容地自然大汗如雨自頭至足無處不汗大汗後渾身冰冷惟口中所出之氣畧溫此等證候一見瘧熱不復來矣此時惟當以甘調攝得百日元氣可復常耳

酒

本草載三人晨同行觸霧空腹者死食粥者病惟飲酒者獨不病南方天氣清晨多霧而寒故人相勉以飲酒謂其可以禦寒辟瘴殊不知乃發瘴之源也蓋南方暑濕飲酒則多中暑濕毒

兼嗜瘧之作、率由上膈痰飲而酒尤能聚痰、積外、諺云、莫飲卯
時酒、莫飽申時飯、此攝生之要也、然必以食君之酒、雖戒
卯時酒者、乃有疑、蓋南方氣候不常、雖盛夏陰雨必寒、雖隆
冬日出必煖、一日之間、寒煖屢變、要之晝多煖、夜多寒、飲酒過
度、固非所宜、而卯酒尤甚、方其朝寒而飲、遇暴熱則必聚痰、以
爲病也、

瘴癘指南卷下

連江陳曾治洵泉敬刊

信州鄭全望靈渚先生原著

同人孫謀亨新校字

曾孫泰維康重刊

正氣方

陳皮半夏湯

治瘴癘不問先寒後熱先熱後寒多熱少寒多寒少熱皆因夏
月傷暑汗出不透或秋傷風或過食生冷先傷脾胃沐浴感冒
多作此疾因有痰涎停於胸膈所謂無痰不生瘧初起宜先下
感應丸溫中去積滯方服此以正氣去痰

陳皮去白

半夏

湯泡七次

等分爲粗散每服四錢薑七

片水煎不拘時服壯實人日三四服虛弱人日二服

瘴瘧本於痰痰主於濕半夏能勝脾胃之濕所以能痰與陳皮同用其味辛能散滯氣利水穀下氣氣行則痰行所以治瘴先用之以正氣理痰也

不換金正氣散

治四時感冒五癰膈氣和脾胃溫中下痰止霍亂吐瀉心腹疼痛脹滿吞酸噎噎噎塞乾嘔惡心中受寒濕生冷外感風邪及山瘴之氣發而爲瘴身體沉重骨節酸疼頭昏鼻塞未分陰陽之間宜服之則氣自正而病自退及能止汗治諸瘧疾遍身浮腫或風氣所灌手足腫痛全不思飲食腸肺時鳴婦人胎前產後皆可服之小兒脾胃不和時氣諸疾又治四方不服水土

凡寓嶺南此藥不可缺也

厚朴

去皮生薑汁浸一夜

半夏

湯泡七次薑汁浸晒干

陳皮

去白

藿香

去梗洗淨

甘草

草果

去皮

蒼朮

去皮米泔水浸一宿炒

右各等分先用鍋炒厚朴令香次

入蒼朮炒令紫色又會半夏炒香熟再入甘草炒黃又入陳皮炒方將衆藥安藿香在中心用藥遍蓋罨定少時許藿香乾方可取出同草果爲散每服薑棗水煎一方無草果

按發瘴之地地土卑薄陰濕之氣恒盛四時多熱陽燄之氣恒泄濕氣盛則脾胃傷陽氣泄則脾胃冷是方用厚朴之溫中去濕滿陳皮之消痰下氣蒼朮之燥濕健胃安脾甘草之調中同用以去敦阜之氣半夏之利痰以除瘴本藿香之芳

芬助脾開胃止嘔、草果力辛以消食化滯、共爲溫中正氣之劑、方名正氣者、謂其能正不正之氣、故治瘧爲先用之劑、

藿香正氣散

治證全前、嘔吐不止者用此、

藿香葉

晒干

陳皮

去白

半夏

湯泡薑汁浸炒

甘草

厚朴

去皮薑汁炒

右各等分薑棗水煎

此卽前方去蒼朮草果、治瘧之嘔甚者、聞藥氣則嘔、蒼朮草果其氣太辛竄、故去之、

大無神術散

治證全前、若兼耳閉心痛者用此、

蒼朮

厚朴

陳皮

藿香

甘草

石菖蒲 薑水煎服

此方卽不換金去半夏加石蒲此太無治瘴之方若瘴初起兼耳閉心氣痛者可擇用之以菖蒲味辛能散邪開竅治冷氣也

二陳湯

治瘴病兀兀欲吐不吐及嘔而膨脹又治證候未分（見）服之待其明（見）證（方）用對證藥

陳皮

五兩

半夏

五兩湯泡七次

茯苓

一兩去皮

甘草

一兩

右剉散每服五錢薑七片烏梅一箇水煎溫服不拘

時候

諺云無痰不成瘧故瘴病當以治痰爲主痰生於濕（由脾）

不能治濕而用者有月半夏辛溫能燥濕扶苓甘淡能滲濕
濕去則痰不生陳皮辛溫能利氣甘草甘平能益脾則土足
以制濕和氣則痰不能留滯名曰二陳者以半夏陳皮二藥
宜陳用之爲君故名之此方治瘴首尾俱可用溫中固下之
藥恐其太峻加入此方合用則少緩

養胃湯

治外感風寒內傷生冷增寒壯熱頭目昏痛肢體拘急乃辟山
嵐瘴氣脾寒痰癰四時疫病治冷瘴及寒痰加附子

人參

茯苓

甘草

半夏

蒼朮

厚朴

藿香

草果

陳皮

各等分每服三錢烏梅一箇薑七片煎熱服不拘時

是方乃不換金合二陳加人參烏梅、瘧初起於濕痰內積、邪氣外感而成、故平胃以除濕、二陳以去痰、正氣以正不、正之氣、人參之甘溫補脾、益元氣而利痰、烏梅之酸以止渴、收肺氣、可為治瘧良方、予每用溫中固下之藥、合於此方、甚獲奇效、

和解方

和解散

治瘧瘧、~~此方~~後專治此方、一日五六服、南人常自汗、不可汗、不可下、不可吐、多是脾胃感冷成病、此方和脾胃、逐風邪、其妙如神、感病輕者、更不再發、重者、亦自減輕、

蒼朮

牛觔製

陳皮

二兩去白

藁本

四兩洗

桔梗

四兩

甘草四兩

厚朴二兩去皮薑汁炒

白共爲粗散每服三錢

水一鍾生薑三片棗一枚同煎至七分去渣熱服一日夜五六服不拘時若用此藥不發更服○發一日○服別藥○發○輕亦有○效後再發次日更服一日亦五六服若第三次不發更服此藥一日○服別藥如三次再發却服後藥○發○止治瘧神效就是傷風傷寒作瘧證候未分之時並服此藥○二日皆有效驗如不效即自依各證用藥若無醫藥之地○病初發至末後皆服有效

瘧病起於地濕濕則生痰天氣熱外泄脾胃多寒是方用蒼朮爲君能去濕不閉腠理使汗易出汗出則病從汗減與厚朴甘草陳皮同爲平胃之劑能去濕溫脾胃去冷氣調中氣

濕去則痰不生脾胃溫冷氣去則土煖中氣既調則痰自去則
瘧毒不能留自然作汗而解加以藁本乃太陽經藥頭痛身
熱腰脊強痛乃邪氣鬱結於太陽經藁本能使其邪自然作
汗而又治風流於四肢凡中霧露之氣皆能為瘧藁本能祛
其氣而清上焦更去風除濕桔梗能利肺氣利痰發散胸膈
瘧熱之氣與平胃合為和解之劑為治瘧和解之神方

溫中方

附子理中湯

治瘧毒發熱煩渴悶亂外熱內寒自利嘔逆手足厥冷

大附子炮去皮 人參去蘆

炙甘草

炮乾薑

白朮去蘆土炒 右各等分水煎溫服如欲飲冷則冷服

瘴病發熱煩渴是心肺之陽不降而然自利嘔逆手足冷是脾土無陽是也然其治以參耑附子之辛熱以治內寒吐利則脾虛者以參耑甘草之甘補之大附子能引上焦之陽入於中焦則煩熱退中焦煖則吐利除

治中湯

治瘴疾嘔吐心腹滿痛

人參

白朮

乾薑

甘草

陳皮

青皮

各等分水煎熱服不拘時

瘴疾多嘔者因脾土虛寒痰氣上逆而然也故以乾薑之辛熱治寒人參白朮甘草之甘溫以補脾同為理中之劑加陳

皮青皮辛以散氣氣降則痰下而嘔止矣

真武湯

治瘴病數日後發熱腹痛頭目昏沉四肢疼痛大便自利小便或利或澀或嘔或咳

大附子炮

白茯苓

去皮

白朮炒

白芍

炒黃色

右藥薑五片水煎食前溫服小便利者去茯苓大便利者去白芍加乾薑嘔者加生薑五片易簡方云不下利而嘔者去附子加生薑然既去附子但存三味似太平易當臨時消息之活人書云太陽病發其汗出不解仍發熱心悸頭眩身潤筋惕振振欲擗地真武湯主之意調太陽經傷風醫者借用麻黃既然不解復成重虛故宜朮

此書乃
清道
名方
自注

張氏抄註

卷一

治法

六

附芍藥之類又云少陰病二三日不已至四五日腹痛小便不利四肢沉重痛疼自利或嘔或咳或小便利此為有水氣真武湯主之併贅於此以資用藥者易圖庶不局於一偏也

瘴病頭目昏沉四肢沉重疼痛者寒濕傷脾之外證也腹痛自利小便不利者寒濕傷脾之內證也脾惡濕濕勝則濡泄以白茯苓白朮之甘以補脾去濕寒淫所勝治以辛熱附子生薑以補脾益陽氣而去寒白芍收脾氣除腹痛又能停諸濕而益津液使小便自行然必須酒炒黃色以去寒性名曰真武者真武乃北方之神能鎮北方寒水氣使不為禍也

嘉禾散 一名穀神散

治中滿下虛。五噎五隔。脾胃不和。胸膈痞悶。脇筋脹滿。心腹刺
痛。不進飲食。或多痰。或吞酸。胸滿短氣。肢體倦怠。面色痿黃。如
中焦虛痞。不任攻擊。臟腑虛寒。不受峻補。或因病中氣衰。食不
復常。稟受怯弱。不能多食。及瘴疾陰陽表裏未分之際。尤宜服
之。

枇杷葉

去毛。薑汁炙。一兩。

石斛

酒拌。微炒。三錢。

杜仲

酒薑汁全炒。三錢。

青皮

五錢。

甘草

一兩五錢。

藿香葉

三錢。

穀芽

炒。五錢。

陳皮

去白。三錢。

白朮

炒。二兩。

砂仁

一兩。

薏苡仁

炒。一兩。

隨風子

一錢。如無。小訶子代之。

半夏

薑汁製。三錢。

丁香

五錢。不見火。

木香

三錢。

桑白皮

炒。五錢。

檳榔

炒。五錢。

五味子

炒。五錢。

此方不可
主此病
治此病
治此病
治此病

通可才同

神麴炒一兩

人參去蘆一兩白朮去皮炒五錢

茯苓一兩去皮

大腹皮少三錢沉香三錢右爲末每服薑三片

棗三枚水煎溫服不拘時

此方療四時感冒能調陰陽使無變動刻日得安如療五噎
加乾柿一枚全煎如療膈氣吐逆羸困入葱白三寸棗五枚
全煎婦人亦可服瘴病發熱候冷服老人虛人大便閉加蜜
少許煎冷服

瘴病多因脾胃感冷而成是方用參朮苓草陳半六君以補
脾利痰丁香木香砂仁白朮藿香以開胃除積冷以溫中青
皮以理氣穀芽神麴以消積瘴病上熱肺最受邪枇杷葉薤
苡仁桑白皮以養肺散肺熱五味隨風子之酸以補肺欬肺

氣瘴病陽氣不降、檳榔大腹皮沉香以降氣、氣不降則下寒、下寒則腎無陽、石斛杜仲合沉香引陽氣入腎而煖腰膝、故李待制調其宜於瘴病、能升降陰陽、雖證候未分、亦可服之、

平胃散

治脾胃不和、膈噎痰氣、嘔吐酸水、氣刺氣悶、脇筋虛脹、腹滿腸鳴、胸膈痞滯、飲食不美、常服則溫養脾元、及辟嵐瘴冷濕、病後進食、悉有神效、

厚朴三兩、去皮、薑汁炒、

陳皮留白三兩、甘草二兩、炙、

蒼朮五兩、米泔水浸炒、

生薑四兩、和皮薄切、

小棗二百粒、去核、

右用水五升、漫火煎乾、搗作餅子、先晒後焙、

碾爲末、入鹽少許調服、如泄瀉加生薑烏梅、空心服、脾寒瘧疾、

可加草果烏梅各一個如胃寒嘔吐加丁香茯苓生薑氣不舒快不~~要~~飲食加砂仁香附各三兩生薑湯調服

瘴地陰濕之氣常盛~~厚朴~~蒼朮以扶脾燥濕厚朴以溫中下氣理痰消食去濕陳皮以消痰利氣甘草能健脾和中薑以利痰溫胃小~~棗~~之甘可以補脾氣

紅丸子

治食癰惡心腹滿寒熱右手寸關脉弦實或沉滑要之噎膈多因食積氣痞痰結此藥消食下氣化痰~~厚朴~~但禁紅阿魏難得好者又阿魏雖爲下氣消癰之妙藥却不可常服而又不宜於孕婦虛老之人所以易簡方云禁紅阿魏不宜常服用以治癰黃丹爲衣最好若食積癰瘕痞脹得真阿魏却甚

良然亦在修合之際，用好米醋煎陳米糊爲丸，自洗米至作糊，不着水，純用醋爲妙。

蓬莪朮 五兩，煨。青皮 五兩，去穢。陳皮 五兩，去白。京三稜 五兩，煨。

胡椒 三兩。乾薑 三兩。阿魏 二兩，酒化。礬紅爲衣用。

○細末醋糊丸，礬紅爲衣，每服六十九，不拘時。治噤

疾，生薑桔皮湯下。大病後飲食難化，及中脘停酸，薑湯下。

心腹脹滿，紫蘇湯下。酒疸食疸，遍身皆黃，大麥煎湯下。

酒傷面黃腹脹，或時乾嘔，煨薑湯下。脾氣刺痛，菖蒲湯下。

兩脇引乳作痛，沉香湯下。

噤噤外因四時之氣乖戾，內因積食生冷而成，留者攻之，故用阿魏稜朮以去積，冷積爲患，氣快則消，氣滯則聚，得熱則

行得寒愈結、青陳皮力辛溫、快氣、椒薑力辛熱、散冷結、用礬紅爲衣者、假其土性以培脾胃耳、治瘕用之以溫中消積、甚得宜、

感應丸

治瘕初起、先服以去冷積、及治飲食生冷、停積不化、心下堅滿、胸膈痞悶、兩脇脹痛、心腹大痛、霍亂吐瀉、大便頻後重、遲澁下痢赤白、膿血相兼、米穀不消、愈而復發、嘔吐痰逆、惡心喜睡、大便秘或泄、不拘新久積冷、併治之、

南木香、一兩五錢、去蘆、

丁香、一兩五錢、乾薑、二兩、炮、

肉豆蔻、去皮、搥碎、去泣、二十粒、

百草霜、二兩、研細末、

巴豆、去心、去油淨、七十粒、

杏仁、去皮尖、四十粒、研爛如膏、

石將前四味爲末同草霜杏仁研勻又將好黃蠟六兩溶化
作汁以重棉濾去渣更以好酒一升於銀石器內煮蠟數滾
傾出候酒冷其蠟自浮取蠟聽用春夏修合用清油一兩五
錢先於銚內熬令不散香熟次下煮過蠟四兩化作汁就銚
內拌和前藥末作錠以油單紙裹之旋丸每服十九菴豆大
薑湯送下或用陳皮半夏湯送下亦可

溫中固下方

薑附湯

治瘴病內弱發熱或寒熱往來痰逆嘔吐頭痛身疼或汗多煩
燥引飲或白利小便赤兼主卒中風

黑附子大者要一兩以上者一個炮去皮剉分作四片每片加

薑十片煎溫服如欲令者位於用之不拘時

瘧疾咳逆嘔吐自利者脾土無陽虛寒也汗多者陽氣外泄也煩燥引飲小便赤者陽氣上浮心肺焦熬而然也頭痛心疼者虛寒外甚也是方用附子之辛熱以溫脾收外泄之陽氣佐以生薑又能發散外寒使冷服之則能導心肺之熱下行除下焦宿冷以熱攻熱為治重瘧之良方大意見附子論

乾薑附子湯

治瘧毒陰虛發熱煩燥手足冷鼻大涼身體重舌胎黑引飲煩渴自利嘔逆汗出惡風

大附子一個去皮劑分作四服

乾薑二錢炮

右水煎欲飲水者

冷服之

噤病煩渴引飲舌黑陽氣上浮心肺極熱也手足冷鼻尖涼吐利脾土虛寒也身體重寒氣外盛也汗出惡風陽氣外泄不能衛皮毛也薑附辛熱能溫中祛外寒而收外泄之陽氣冷飲之以導心肺之熱下行而緩下焦上焦之熱下行中下二焦溫暖則寒熱退諸病息矣

沉附湯

治噤病上熱下寒腿足寒厥

大附子五錢

沉香磨濃汁

右薑七片煎八分乘熱入沉香汁

勿令十分熱冷服之

此藥既主上熱下寒須真正沉香方佳

此香自有數種。用附子者。以治虛弱。如咀嚼而香甜者。性平。辛辣者。性熱。用者須審擇。以對證。附子率用小者。及漏蘆。側子之類。謂難得大者。然陰毒及冷瘡。但欲一時壯陽氣可也。若虛而藉以隆氣。斂陽。但如地道大附子。非他藥之無益者。如虛者。用之。則瘡病本上熱下寒。加之腿足寒厥。乃下焦腎經陽氣盡浮於上。腎經空虛之極。是方用附子。乃腎經本藥。加以沉香。能引上焦陽氣入腎。腎中有陽氣。則下元煖。根本固。而邪氣自息矣。

冷湯

治瘡病內寒外熱。咽隘乾燥。煩渴不止。

人參五錢

甘草三寸炙

淡竹葉十四片
大棗五枚

大附子一錢去皮右水煎服

瘴病內真寒外假熱咽噤乾燥煩渴不止者心肺熱也人參
能補肺氣生津液利痰甘草甘能和胃二味合用能
緩心肺之火淡竹葉能解煩渴大棗能補元氣大附子能引
心肺之火下行則煩渴止矣

既濟湯

治瘴病熱大煩渴飲水無度

大附子三錢

人參三錢

甘草一錢

淡竹葉二十片

半夏一錢

粳米二錢

麥門冬二錢去心

水煎服

瘴病煩渴飲水無度者華蓋焦熬之極也故用人參以補肺
生津甘草之甘以緩火麥冬竹葉之寒以潤肺清心佐以半

夏不令痰滯、粳米乃肺經之穀、用以養肺、附子之用、妙在
引火下行、不令華蓋焦焚也。

冷香湯

治瘴病、胃脘刺痛、胸膈不利、或吐或瀉、引飲無度、及治夏秋暑
濕、恣食生冷、遂成霍亂、陰陽相干、臍腹刺痛、脇肋脹滿、煩亂口
渴等證。

良薑 一兩

檀香 二兩

丁香 五錢

附子 一兩

甘草 二兩

川薑 一兩

草豆蔻 一兩

右爲細末、每用三

錢、水一鍾半、煎數滾、貯瓶內、沉井底、待冷服之。

瘴因食生冷而得、胃脘痛、吐瀉、胸膈不利、皆脾胃之寒也、寒
淫於內、治以辛熱、川薑、良薑、檀香、草蔻、丁香、附子、皆辛熱之

藥去寒溫胃、甘草之甘、溫以和中、大渴引飲者、心肺中有邪熱、故冷飲以導邪熱下行也。

三建湯

治瘧病四肢厥冷、頭汗出不止、兩足如無、或時發噦。

川烏

大附子

天雄

各等分水煎服

瘧病四肢厥冷、兩足如無者、脾胃虛寒之極、中下二焦全無陽氣也、頭汗大出不止者、陽氣盡出於上、欲絕也、噦俗呼爲呃逆、方書謂絃絕者聲嘶、木凍者葉落、陽氣將脫也、此等證候、因醫者誤用攻熱之藥、以致此危急也、是方用川烏以去寒濕、攻寒痰、附子補下焦、天雄補上焦、虛陽合用之、以收心液、壯真陽、汗收噦止、四肢溫煖、則復生矣。

按口溫中固下二法治瘧之重者必用之第瘧病顯然明見者皆極熱之證而陰寒之證隱然難見故以執治熱之法非玄機之士未免皆以爲怪也然必冷飲者乃內經寒因熱用熱因寒用之義已見附子論

鎮下方

養正丹

治瘧病上盛下虛升降陰陽補接真氣及治虛風頭眩吐涎不已

黑錫

水銀

硫磺

硃砂

各一兩炒

另研

先將淨鐵銚入鉛先鎔去滓兩淨再入銚內用鐵匙炒攪將硫磺末三錢漸投入或焰起無妨只急手攪炒令鉛熱

無性其硫磺皆燒去但得鉛熟遂傾地下紙上令硬卽研細以紗篩出鉛粉其餘成硃者再炒再研再篩次將銚頭漫火上又鎔鉛粉入硫磺一兩頻頻攪炒至黃烟上卽懸持起放冷處少頃又頓火上再炒鉛與硫磺皆成黑色極調和了却放冷處候其微冷又頓在微火上少頃入水銀以匙攪炒切勿令青烟上又次入硃砂末頻炒至十分調和卽傾在地中紙上俟硬別研爲末粘米糊爲丸棗豆大每服二十九鹽湯送下

瘴病之證多上熱下寒是方用硫磺大熱之藥能補真陽壯真火佐以硃砂黑鉛水銀三味皆至陰之物其性寒所以去巨格之寒兼有伏陽不得不爾硫磺亦號將軍功能破邪歸

正返滯還清、挺出陽精、消陰回陽、化魄生魂、故治瘧用之、能引上焦陽氣降於下焦、使陰升陽降、成水火之既濟、鎮墜其陽氣、使不上浮外泄、下元常溫煖已、病瘧者得愈、未病者可以免矣。

黑錫丹

治瘧病上熱下寒、升降陰陽、及治痰氣壅塞、上盛下虛、心火炎熾、腎水枯竭、及婦人血海久冷、無子赤白帶下、屬虛寒者、並治之。

黑錫 二兩

硫磺 二兩

肉桂 五錢

沉香

附子 炮去皮劑

故紙 炒

小茴 炒

木香

胡蘆巴

酒浸炒 肉蔻 麵煨

陽起石

研細水飛

金鈴子

蒸去皮核
各一兩

右用新鐵銚如常法結黑硫砂於地上出火

毒候冷研極細末餘藥併末同研自朝至暮以黑光爲度酒
麪糊丸梧桐子大陰乾入布袋內擦令光瑩每服三五十丸
鹽湯下或漿湯婦人艾葉湯下

瘴病土熱下寒是方硫磺之大熱能助真火佐以黑鉛之至
陰能治陰盛格陽之病木香能理諸氣肉蔻能下諸氣沉香
能降諸氣加以故紙小茴胡蘆巴引陽氣入腎肉桂能保腎
附子導熱氣下行入腎若陽起石能補腎添精直高嶺之上
引陽氣下達腎經共爲溫補下元鎮固陽氣與瘴病爲宜也
來復丹

治瘴病上盛下虛升降陰陽及治伏暑泄瀉如水嘔吐不止

硝石 三兩

青皮 二兩去穢

五靈脂 二兩去沙石

陳皮 二兩去白

玄精石 二兩研飛

硫磺 二兩爲末

同靈脂入鍋內微火炒用柳條攪不可火大再研極細末

右末

醋糊爲丸棗豆大每服三十丸米飲下

瘡病內傷生冷外感暑氣氣不升降是方硝石性寒佐以青
陳皮性疏快硫磺大熱能助真陽佐以硝石玄精石之至陰
則伏陽格陰皆退五靈脂能理氣共爲通利三焦升降陰陽
之劑瘡疾揮霍變亂者尤宜用之

靈砂丹

治瘡病上盛下虛痰涎壅塞此藥最能升降陰陽鎮墜陽氣安
和五臟扶助元氣

水銀 八兩

硫磺 二兩

右用新鐵銚炒成砂有烟卽以醋酒

候研細入水火鼎內醋調赤石脂封口鐵線札縛燈盞盛土
固濟晒乾用炭二十觔煨煉如鼎裂筆蘸赤石脂頻抹水盡
爲度經宿取出研爲細末糯米糊爲丸麻子大每服二十九
棗湯下米飲人參任下

瘴病多因秋冬熱則陽氣外泄浮而不降下元虛冷是方用
硫磺大熱能補下元真火佐以水銀至陰之物復加煨煉成
水火既濟之義能祛拒格之寒兼有伏陽大能降上焦之元
氣於下元鎮蹇之使不外泄甚與瘴病爲宜

斷瘴方

七藥湯

多痰
口
單食
素

治外感風寒內傷生冷或五臟氣虛陰陽相勝作嘔噎寒多
熱少或但寒不熱

大附子一個炭火煨以塩浸再煨再浸七次去皮剉切片用

生薑七片棗七枚水煎當發早晨空心溫服仍吃棗三五枚
忌口爲要

冷瘧因寒疾而作是方用大附子去寒痰且能引上焦之陽
氣下入至陰以成地天之交泰正王太僕所謂益火之元以
消陰翳加以大棗甘草以溫脾胃則寒痰息而瘧瘥止矣
四獸飲

洎喜怒不節飲食過度勞役兼併致陰陽相勝結聚痰飲與衛
氣相搏發爲瘧瘥

人參

半夏、湯泡七次、茯苓、去皮

白朮

草果、去皮

陳皮

甘草、炙減半

烏梅、去核

白剉

散、用生薑、棗子、入鹽少許、醃之、食填厚皮紙裹、水蘸溫、漫火煨香、熟焙乾、每服半兩、清水煎、未發前連進三服

瘴毒雖因天時、若○○○○○
喜怒傷氣、飲食傷脾、則元氣不固、然後瘴毒得以干之、經所謂邪之所勝、其氣必虛是也、方用參朮苓草之甘溫補脾、以益元氣、陳皮之辛以理氣、半夏之辛以燥濕利痰、草果之辛以消食、烏梅之酸以斂氣生津、薑棗以補元氣、共為截瘴之方、亦君子滿座小人自退之意也

截瘴丸

治瘧病不問冷熱或一日一發二日一發三日一發

常山五兩醋炒七次

烏梅四十粒去核

檳榔四十粒

甘草三兩

石耳同炒為細末薑汁打米糊為丸

梧子大未發時好酒吞二十一丸一日服七八次尤妙正發

時莫服瘧止後忌雞魚羊肉及鮓麵葱韭蒜生冷瓜果一切

毋勿避風寒戒房事毋忿怒

瘧與瘧同病而異名瘧有定瘧多變瘧治瘧之法不問

斷者使之間斷○○○已間斷者使之輕減然後用

是方無痰不瘧故用常山以去痰寒熱所感邪氣多在榮衛

○之問常山能去皮膚毛孔中之邪氣佐以檳榔能下滯

氣消積利痰甘草○甘以和中氣借烏梅○酸以斂外泄陽

氣生薑之辛以開胃利痰痰去則瘴本去矣截瘴之方惟此為妙

七寶飲

治瘴瘧一日一發或間日一發明白作息有時此以截之

常山

檳榔

草果去皮

厚朴

青皮

陳皮

甘草

各等分用酒水各一

鍾煎好以棉罩之放星月下露一宿當日早冷服服後莫熱飲食

無痰不成瘧是方用常山以逐痰檳榔以墜痰氣草果以溫中去寒痰厚朴青陳皮以辛以行氣氣行則痰不能留甘草以調胃和中共為行氣消痰之劑痰消則瘧本消宜乎瘴

不再作也

按瘧病治法最難於始發熱不間斷時及其溫中固下正氣和解後明白作息有時正氣漸和下焦濕冷已去諸凡截藥不犯寒涼不吐不利者俱可用

麥門冬湯

治瘧瘴神清目開大小便如常惟不能出聲身熱

麥冬

去心

人參

白朮

陳皮

川芎

半夏

當歸

肉桂

烏梅

大附子

甘草

茯苓

去皮

右加薑三片水煎溫調黑神散服

瘧瘴若神昏直視不知人事痰響者屬痰神昏不知人事不

痰響能飲食、惟不能出聲、此邪熱湧沸、其血上塞心肺之竅、故不能言也、是方用六君子緩火邪、以補脾救元氣、門冬解心肺之熱、烏梅生津、以收外泄陽氣、歸芎以行散上竅之血、血得熱則行、故用桂附之熱以行之、且能引上焦之陽下入陰分、再調黑神散以驅逐其血、血散則心肺之竅開而聲音出矣、

黑神散

治癰瘡、

黑豆、二合半、炒去皮、

當歸、二兩、

蒲黃、二兩、

乾薑、二兩、

熟地、二兩、

肉桂、去粗皮、二兩、

白芍、

酒炒、五錢、

甘草、五錢、

石爲末、每服二錢、調麥門冬湯下、

瘴病之執專熬心肺熱甚則湧沸其血出於上竅則爲吐衄不能上出口鼻惟塞於心肺之竅則爲癰瘡是方蒲黃能逐敗血芍歸能去舊血生新血薑能使血行甘草以和氣蓋血乃陰類熟地黑豆乃北方之物合諸藥以導血歸源也

青州白丸子

治癰瘡目上視口噤痰涎閉塞昏不知人遺尿遺尿及治中風痰甚等證

生半夏七兩

南星二兩

生白附子二兩

生川烏五錢

石為細末以生絹袋盛入井中水內擺出未出者再以手揉令出渣再研再入絹袋擺盡爲度於磁盆中日晒夜露每日換新水攪澄清春五夏三秋七冬十日去水晒干研細以

糯米粉煎粥清爲丸，棗豆大，每服二十九，生薑湯下。

癰瘡口噤，目上視，痰涎閉塞，昏不知人，遺尿遺屎，因脾胃感冷，中氣不能運痰，以致痰氣上迷心竅，故神昏不能言也。痰生於濕，半夏、南星能燥濕，痰滯於寒，白附之溫，川烏之辛熱，能祛寒，送以薑湯，最能治痰滯之瘴也。

星附湯

治癰瘡痰涎上壅，昏不知人，聲如牽鋸，口噤直視，遺尿遺屎。

生南星 一兩

生附子 一兩

木香 五錢

剉散，每服四錢，薑

九片，水煎溫服。

癰瘡有痰涎上塞，聲如扯鋸之狀，再兼異證，皆痰所爲，由

脾胃感冷，中氣虛寒，自宜痰涎壅滯，用南星之燥以去痰。

附子辛熱以溫中佐以木香辛以行氣氣行則痰行也
予治痰證多以此方為主重者單用或加二陳湯內虛者再
倍加人參更佐以沉香屢屢效

三生飲

治癰瘡如前證之甚者及治瘡後痰厥

生南星一兩

生附子五錢

生川烏五錢

木香二錢五分

白朮散每服五錢生薑十片水煎溫服元氣虛者加人參五
錢


是方即前方加川烏因脾胃虛寒之故加之若元氣虛者
加人參補氣利便有起死回生之妙


正舌散


治瘴病舌本強硬、語言不出、

蝟稍、二錢五分、去毒、

茯神、一兩、微炒、去皮木、

薄荷、一兩、焙乾、為末、每服二錢、溫酒調下、或擦牙頰間、亦妙、

瘴病舌本強硬、語言不出者、因瘴熱入於心脾經絡而然、蓋心之別脉係舌本、脾之脉連舌本、散舌下、用茯神可以寧心益脾、薄荷能去風熱、蝟稍能去風痰、風熱去則心脾清而舌強自消矣、

柴胡散 

治瘴病十四日外、寒熱不已、不潮、時脉弦數者、

柴胡、一兩、去蘆、半夏、五錢、湯泡、桂心、五錢、去皮、白芍、五錢、炒、

炙甘草、三錢、劉散、薑七片、棗一枚、水煎、溫服、

○瘧

方偏
以確

瘧病十四日外已過經矣病雖未愈元氣稍甦更兼身熱不潮時亦弦數此正瘧脉弦數多熱之證况寒熱脉弦是邪在半表半裏足少陽實主之故用柴胡為君本經藥也木得桂而枯故用以散少陽之邪半夏生薑之辛以散邪氣兼能燥濕利痰治瘧之本若白芍之酸甲味也大棗甘草之甘已味也甲已化土養脾之妙法也是方李待制立以治瘧扶脾利痰以退半表半裏之邪熱用桂心佐以柴胡使柴胡之寒不能為梟

草果飲

治瘧瘧頭痛身疼寒熱脉浮弦

瘧疾
瘧疾
瘧疾
瘧疾
瘧疾

草果去殼

良薑

青皮去穢

川芎

白芷

蘼葉

甘草

各等分剉散水煎熱

服當發日前連進三服不拘時候

四時治要方云風癰食癰癰即瘴也多生於東南謂東南乃魚鹽之地及多暴風風癰宜草果飲此方用川芎青皮白芷發散風邪良薑蘼葉發散寒熱今瘴痰脉浮緊頭痛身疼惡風寒乃感乎凜冽暴風也正宜草果飲因食生冷肥膩中脘生痰嘔逆遂成食癰宜服二陳湯三因方治食癰用紅丸子亦為極妙

專命散

治傷寒瘴癰陰陽證候不明誤投藥致病垂困煩燥發渴及婦

此方獨

治

此方係

用之

人產後胎前受熱瘴等證

人參一兩去蘆切片用水二鍾於銀石器內煎至一鍾以冷水

沉取冷一服而盡若鼻有汗滴尤妙

五苓散

治傷寒瘴疾感暑中濕小便不利頭眩身熱煩燥發渴等證夏
月主治尤多能伐腎氣下虛者不可過服

澤瀉三兩

猪苓

去皮一兩五錢

茯苓

去皮一兩五錢

肉桂

一兩

白朮

去蘆二兩五錢

右為細末每服三錢夏月背寒頭疼發熱無汗

小便秘濃煎葱白湯調熱服令額上有汗為妙或只用百滾

湯調熱服仍續啜熱湯衝令汗出冒暑極熱新汲水調亦可

熱瘴痢疾小便不利者並用熱水調大便泄小便不利者車

前子湯調不宜多服。瘵熱在裏發黃疸茵陳湯調或加辰砂尤治蘊熱心煩。

毛崇甫因母病孝感天地夢授此方可謂神方也。但五苓散用桂正如小柴胡用人參備急丸用乾薑之類欲其剛柔相濟亦存戰守之意也。故方書謂五苓散無桂及隔年陳者俱不可用。如去桂而加人參却謂之春澤湯治煩燥效。

烏沉散

治瘴疾心腹刺痛調中快氣

烏藥一兩

香附三兩焙乾

甘草一兩炒

烏藥細末入鹽

少許滾湯調服

加減五積散

治瘴後腰疼脚痛渾身疼

蒼朮

陳皮

厚朴

半夏

茯苓

當歸

川芎大

肉桂

乾薑

桔梗

甘草

枳殼氣弱者不用

右薑三片煎服

黃芪建中湯

治瘴後自汗

黃芪

白芍

肉桂

甘草

右薑三片棗一枚水煎服

異功散

治瘴後精神少不喜飲食此藥能調胃進食順氣化痰不冷不

燥功效尤多。

人參

白朮

陳皮

茯苓

甘草

各等分薑三片棗一枚水煎服

六君子湯

治瘴後體倦食少多痰

人參

白朮

茯苓

甘草

陳皮

半夏

各等分薑水煎服如易飢食不多即

飽悶者加藿香砂仁名香砂六君湯

大養脾丸

治同六君湯

人參一兩

白朮五錢

茯苓一兩

乾薑二兩炮

砂仁三兩

麥芽一兩炒

甘草一兩五錢

右煉蜜爲丸每

治瘴後虛煩不眠心膽虛怯氣鬱生痰痰與氣搏變生諸證或
四肢浮腫心虛煩悶觸事易驚或夢不祥或異象眩惑遂致心
驚膽怯

瘴癘推降

兩八丸每服一九食前細嚼薑湯下

溫瘴湯

治瘴後虛煩不眠心膽虛怯氣鬱生痰痰與氣搏變生諸證或
四肢浮腫心虛煩悶觸事易驚或夢不祥或異象眩惑遂致心
驚膽怯

半夏一兩五錢

枳實一兩

陳皮一兩五錢
甘草四錢

茯苓三兩

竹茹
右薑七片棗一枚水煎食前熱服

如聖餅子

治瘴疾嘔逆頭疼及氣厥痰飲

防風

天麻

半夏各五錢生用

南星

乾薑

川烏各一兩
川芎

甘草、右共爲末、水丸作餅子、每服五餅、薑湯下、

六和湯

治夏月冒暑、伏熱發瘴、煩燥口渴、及心脾不調、霍亂吐瀉、或嘔或痢、或咳嗽、

人參

砂仁

甘草

杏仁

半夏

扁豆

藿香

茯苓

木瓜

香薷

厚朴

有劉散每服四錢薑三

片棗一枚煎服

參蘓飲

治瘴痢壯熱、脉弦數、按之不絕、頭痛目睛疼、

人參

蘓葉

前胡

乾葛

半夏各三

茯苓

陳皮

桔梗

甘草

枳壳

各五錢

薑七片棗一枚水煎服不拘時

如頭痛目疼加川芎聞之陽氣恒泄之地得疾者雖身熱亦
多內寒正經所謂言熱未已寒病復始○王叔和云有熱不
可太攻之熱去則寒起是也所以瘧疾熱多單熱者攝生方
衛生方皆以病深○難治參蘓有不當服者且如脉虛內弱
煩燥而熱衛生方治以冷湯○生薑附子湯甚效余於湟川得
周醫云近日三五證熱甚大用附子乾薑入麝香少許汲水
調下心間○覺頓涼即○愈未嘗再服

柴平湯

以方

治瘧疾十四日外熱尚未除其脉弦數有力

柴胡

黃芩炒黑

人參

半夏

陳皮

甘草

蒼朮

厚朴

薑三片 棗一枚 水煎服

樂令黃芪湯

治瘴疾發熱煩燥引飲大便不通小便赤澀狂言內熱神昏不省

黃芪

人參

陳皮

當歸

桂心

細辛

前胡

炒芍

茯苓

麥冬

半夏

甘草

等分薑三片 棗一枚 煎溫服

星香湯

治癰瘡、手足搐搦、及痰厥等證、氣盛者用之。

南星、八錢、

木香、一錢、
每服四錢、薑十片、水煎服。

附香飲

治癰瘡、氣逆、及痰厥、氣虛者用之。

大附子、八錢、炮、

木香、一錢、
每服四錢、薑十片、水煎服、以天雄

易附子尤妙。

痰涎壅盛者、加全蝎五個、仍服黑錫丹鎮墜、如六脉俱虛者、用三建各一兩、木香五錢、薑棗煎、更磨沉香全服。

藕感丸

治因食生冷、致寒痰上壅、作癰瘡、及瘡後痰厥、或痢初起、用藕合香丸感應丸。

各等分和勻如丸如黍米大每服五六十丸淡薑湯下

蘓合丸

沉香三兩

青木香三兩

丁香三兩

麝香三兩

犀角三兩

安息香三兩

檀香三兩

白木三兩

香附三兩

華橙三兩

硃砂三兩

訶子三兩

薰陸香一兩

冰片一兩

蘓合油一兩

右將安息香用好

酒熬膏入蘓合油和勻餘藥爲細末入膏油內同煉蜜爲丸

蘓子降氣湯

治男子虛陽上攻氣不升降上盛下虛壅隔痰響咽喉不利咳嗽虛煩引飲頭昏脚疼腰痛肢痛倦怠肚腹刺痛冷熱氣泄大

便風秘澁滯不通

真蘇子 五兩炒 當歸 三兩

前胡 三兩

厚朴 三兩

甘草 三兩

肉桂 三兩

陳皮 三兩

半夏 三兩

右剉散每服薑三片棗一枚煎服不拘時

秘傳降氣湯

治男女上熱下寒之病凡飲食過度致傷脾胃色慾過節耗損真元脾胃不和遂致氣不升降上熱則頭痛目眩或痰涎嘔逆胸膈不快咽喉乾燥飲食無味下虛則腰膝無力大便泄瀉裏急後重臍肚冷痛治以涼則脾氣怯弱腸鳴下利治以溫則上焦壅熱口舌生瘡及脚氣上攻與浮腫心煩宜先服此藥然後以所主之藥治之無不效者

五加皮 五錢 酒炒

枳殼 一兩 炒

甘草 一兩 炒

草果 五錢

柴胡 一兩

陳皮 五錢

地骨皮 一兩 炒

訶子 五錢 去核 半夏 五錢

桑白皮 二兩 炒 桔梗 五錢

骨碎補 五錢 去毛 炒

劉散 加蘓葉生薑水煎 食後服

咳嗽倍半夏 上膈熱甚加黃芩 下部虛弱甚加熟附子 如用

附子更加生薑 女人血虛加當歸

瘧疾多上熱下寒 此正張給事所謂陽浮而陰閉也 愚嘗

謂寓廣者 平居無疾 亦須服降氣鎮墜之藥 及養正丹黑

錫丹 然養正丹四藥皆有利性 南方陽氣恒泄 稍失制度 寧

免悞人 服不若黑錫丹降氣藥 及蘓子降氣湯 秘傳降氣

湯 二藥均治上盛下虛 然秘傳降氣湯 若胃寒氣虛者 亦不

宜多服得病而上熱下寒者李待制乾薑附子湯法最妙易
簡方亦類在降氣湯後更云煎臨時以藥汁磨沉香再煎
此法最良病退而餘熱在上者正宜服之

沉香降氣湯

治陰陽壅滯氣不升降胸膈痞塞喘促短氣

沉香一兩

砂仁一兩

香附四兩

甘草二兩

白為末每服二錢入鹽少許滾湯點服

四物湯

治婦人瘵病宜調血者此方合瘵瘵諸方用之

大川芎

當歸

熟地

白芍

右各等分水煎服

宜多服
此方宜
治瘵
調血

四七湯

治婦人瘕疾、中脘痞滿、氣不舒快、痰涎壅盛、及七情氣結成痰、或如破絮、或如梅核、在咽喉之間、咯不出、嚥不下、

半夏 五兩

茯苓 四兩

厚朴 三兩

紫蘓 三兩

白母服四錢、薑七片、棗一枚、水煎、熱服

木香檳榔丸

治瘕後痢疾、元氣實者、腸胃有積、裏急後重、腹痛頻頻至圓、

木香 一兩

檳榔 一兩

青皮 一兩

陳皮 去白 一兩

枳殼 一兩

黃柏 一兩

三棱 醋煨 一兩

莪朮 醋炒 一兩

當歸 一兩

黃連 一兩

香附 三兩

黃芩 二兩

大黃 三兩

黑丑 半生半熟、取末 四兩

石為末、滴水為丸、梧

子大每服六七十丸滾湯下

香薷飲

治暑後伏暑作痢 以仁品通方不必務治

香薷

黃連

厚朴

扁豆

甘草 芍藥剉散薑三片水煎服

香連丸

治諸痢

川連二十兩用吳萸淨一兩同好酒浸一夕同炒乾去吳萸不

用以川連爲末南木香不見火另研爲末每連末五兩入木香

一兩和勻用米醋打老倉米糊爲丸梧子大每服五十丸

米泔下

變亂丸

治赤白痢

川連去鬚蘆

吳茱萸

去梗

各等分

以好酒浸一宿

取出揀開晒乾各為末各麵糊為丸梧子大赤痢用川連
丸三十九甘草湯下白痢用茱萸丸三十九乾薑湯下赤白
相兼各三十九相合用甘草乾薑湯下

斷下方

治赤白痢及休息痢瘴病後患痢俱宜此藥

草果連壳一個白朮麵炒

栗壳十個去肋膜及蒂醋拌

炒透

茯苓右為粗末加薑三片棗二枚

烏梅三個赤痢加烏豆七粒白痢加乾薑五分水煎分作二

服之

真人養臟湯

治小兒大人腸胃虛弱患赤白痢或下膿血或如魚腦髓臍腹
疝痛日夜無度大便脫肛

人參二錢

肉桂五錢

訶子一兩去核栗壳三錢六分

白朮炒

當歸二錢

白芍一兩六錢甘草五錢炙

肉蔻五錢麵煨木香一兩四錢不見火

劉散每服四錢水煎

食前溫服滑瀉及白痢並加熱附子五六片生薑三片冷甚

加乾薑

保和丸

治內傷飲食致成痢疾元氣祛弱不堪下者

山查二兩去核神麴一兩

半夏一兩

茯苓一兩

陳皮五錢

連翹五錢

蘿蔔子五錢

白為末搗為丸梧

子大每服五六十丸滾湯下或原物燒灰調湯下

四神丸

治瘴後元氣虛弱患痢赤白及脾胃虛清晨瀉泄

故紙四兩炒

五味二兩去核

肉蔻二兩麵煨

吳黃一兩去梗

白為末用紅棗六十粒生薑六兩切碎同煮熟去薑將棗肉搗為丸梧桐子大每服五十丸米飲下

七味白朮散

治下痢虛渴

白朮

茯苓

人參

甘草

藿香

木香

乾葛 石母剉散水煎溫服

補中益氣湯

治瘧後痢疾元氣下陷者

黃芪二錢

人參一錢

白朮八分

當歸五分

陳皮三分

甘草一錢

升麻三分

柴胡二分

右薑三片棗一枚水煎溫服

四柱散

治元氣虛直陽耗臍瀉痢不止

人參

附子

茯苓

木香

右各等分每服四錢薑五片水煎溫服

參苓白朮散

精製

治瘴後脾胃虛弱、飲食不進、嘔吐瀉痢、前後此藥甚效

人參

茯苓

白朮

山藥

甘草

蓮肉

苡仁

桔梗

扁豆

砂仁

合共為末、每服二錢、棗湯調下

震靈丹

治病後虛羸、少氣泄痢不止

禹餘糧二兩

代赭石

俱火煨醋淬二兩

赤石脂

二兩

五靈脂二兩

乳香二兩

沒藥二兩

硃砂一兩

紫石英四兩三

味俱拌碎、入砂鍋、以瓦蓋口、鹽泥固濟、候乾用硬炭十觔煨通

紅火盡為度、入地坑埋出火毒、二日夜研末

為末和勻糯米

粉糊為丸、小芡實大、風乾、每服三丸、用炒故紙棗湯調鍾乳

粉少許空心送下

敗毒散 一名倉廩湯

治下痢赤白、噤口不食、頭疼心煩、手足溫、脈不虛弱

人參

桔梗

甘草

茯苓

川芎

薑活

獨活

柴胡

前胡

枳殼

右各等分，剉散，每服四錢，陳倉米百粒

薑三片，棗一枚，水煎溫服

進食丹

治痢毒熱上衝心肺、嘔逆噤口

石蓮子

去壳

右爲細末，陳倉米煎湯調下

補脾丹

以丹爲心，食飯一二分，忌食辛辣

治痢脾胃虛弱聞食則嘔不思飲食

山藥切碎半生半炒熟右爲細末陳倉米煎湯調下

五皮飲山藥、茯苓、大腹皮、桑白皮、橘紅皮

治瘴後飲水過多或食毒物或飲食不節致傷脾氣頭面四肢
臍腹腫滿

生薑皮

茯苓皮

大腹皮

桑白皮

桔紅皮

各等分剉散水煎服病在上食後服病在下食前

服忌生冷毒物忌食

實脾散

治瘴後脾虛腫滿

大附子一兩 草果仁一兩 大苓子一兩卽檳榔

乾薑 一兩

宣木瓜 一兩

甘草 一兩

水同煎乾一半

手劈開附子心不白為度勿令水全乾恐近底焦取出割四片焙為末每服三錢空心日午滾湯調服

五苓五皮散

治瘴後脾氣凝滯面目虛浮四肢腫滿心腹膨脹上氣急促小便不利

茯苓皮

白朮

猪苓

澤瀉

五加皮

肉桂

陳皮

生薑皮

大腹皮

地骨皮

每服四錢水煎熱服忌生

冷油膩

肉桂

胃苓湯

治瘴後濕勝腫滿

蒼朮

陳皮

厚朴

甘草

肉桂

白朮

茯苓

猪苓

澤瀉

各等分用薑一撮水煎熱服

木香流氣飲

治諸氣痞塞胸膈膨脹走注刺痛氣促痰嗽面目虛浮四肢腫滿大便秘結小便不利

青皮

四兩

陳皮

四兩

甘草

四兩

厚朴

四兩

紫蘓

四兩

香附

四兩

木通

二兩

腹皮

一兩五錢

丁香

一兩五錢

木香

一兩五錢

藿香

一兩五錢

檳榔

一兩五錢

草果

一兩五錢

莢朮

一兩五錢

肉桂

一兩五錢

人參

一兩

麥冬一兩

白朮一兩

茯苓一兩

枳壳一兩

菖蒲一兩

木瓜一兩

白芷一兩

半夏一兩

劉散每服五錢薑三片水煎服

金匱腎氣丸

治脾腎虛寒腰重脚腫濕飲留積小便不利或吐腹腫脹四肢浮腫氣喘痰盛其效如神

茯苓三兩

附子五錢

牛膝一兩

肉桂一兩

澤瀉一兩

車前一兩

石棗一兩

山藥一兩

丹皮一兩

熟地四兩

白為末和地黃膏煉蜜為丸梧子大

每服六七十丸空心米飲下

導痰湯

治一切痰涎壅盛胸膈留飲痞塞不通

南星 一兩

枳壳 一兩

陳皮 一兩

茯苓 一兩

甘草 五錢

半夏 四兩

石到散每服四錢薑十片水煎溫服

通關散

治瘧後痰厥昏不知人痰涎上壅牙關緊閉急要諸藥不得下

咽喉

細辛 一兩

牙皂 一兩

半夏 一兩

右共爲細末吹入鼻

中候噴嚏得少甦却急進藥

蜜導法

治瘧後自汗過多津液內竭大便不通不妄用下藥惟宜此法

蜂蜜 四兩

右於鉢內漫火煉攪之勿令焦候稍冷如糖狀以水

濕手捏作錠如姆指大約長二三寸令一頭銳乘其稍縻網
穀道中以手抱住如未效更用一枚火上畧炙使溫嚴氏
方云蜜三合入猪膽汁二匙在內同煎無膽只如前亦可
又一方入皂角五錢在內皆可隨病淺深取用